



गोचाली



G. D. D. D.

२०५१



“गोचाली”

अंक : १०

वर्ष : २४

२०५१

“गोचाली परिवार” (नेपाल)

व्यवस्थापन तथा सम्पादन

“गोचाली परिवार” (नेपाल)

प्रकाशक :

थारू भाषा तथा साहित्य सुधार समिति
पश्चिमाञ्चल नेपाल

सहयोग रु. १५।-

मुद्रक : नवीन छापाखाना

गुलरिया, बर्दिया

सम्पादकीय व प्रकाशकीय

“मध्यावधि संसदीय निर्वाचन २०५१ ओर नजर दौरायवेर”

नेपालम २०५ स्थानके लाग हुई भिरल मध्यावधि निर्वाचनम देशके हरेक चुनावी क्षेत्रम विभिन्न राजनैतिक पार्टी हुँकन आपन पार्टीके झण्डा, घोषणा-पत्र, पर्चा, पोस्टर भित्तम विभिन्न रंगले लिखके आपन पार्टीके प्रचार प्रसार करल देख गेल। जनतनके सामने भोट माग बायवेर जौन फे पार्टी अपन हन जनतनके सेवा करुइया हुइतु कहके आपन प्रचार प्रसार करल देख गेल। जानो कि अब जनतनके कौनो समस्या फेन बाँकी नै रहजाई। तर दुःखके बात का बा कलसे जब चुनाव होके सेकी तब जीतके संसदके लचकदार घुम्ना कुर्सीम पुगलसे ऊ नेता हुँक आपन चुनावी समयम बोलल बात बिसरा दर्ध की जसिन लागथ काकर कि असिन नेता हुकन चुनके सरकार गठन करक लाग हरेक पाँच-पाँच वर्षम हुइती रहथ तर जनतनके समस्या ज्योका त्यो रहल जसिन अनुभव हुइथ।

खैर यी बात छोडदी अब राजनैतिक पार्टी हुँकनके चुनावी कार्यक्रम हेरी त चुनावम आपन पार्टीहन विजय बनाईक लाग गाउँ तथा शहरम कहूँ आन सभा, कहूँ नारा जुलुश, कहूँ साईकिल-यात्री, कहूँ कार्यसके सर्वमान्य नेताके आगमन, कहूँ कम्प्युनिष्ट पार्टीके केन्द्रिय नेतासे आमसभा हन सम्बोधन कर्ना जसिन अनेक किसिमके कार्यक्रम सुन व देख मिलल। आपन-आपन पार्टीके झण्डा फहरैती आपन-आपन चुनावी क्षेत्रम भोट मग्नाके प्रतिस्पर्धा करल देख गेल। प्रचार प्रसारके क्रमम भोट, रिकशा, साईकिल आदि सबारी साधनके प्रयोग तथा लाउडस्पीकरले ओड-जोडसे आवाज निकारके प्रचार करल देख गेल। विभिन्न ठाँउम राजनैतिक पार्टी हुकनके ब्यानर टांगल देख मिलल। यीह सन्दर्भम एक पार्टीके कार्यकर्तनके दोसर पार्टीके कार्यकर्तनसे जम्का भेट हवाए बेर बाद-विवादके साथ-साथ आपसम पिटा-पिट फेन करल सुन मिलल। ओतकेल कहाँ हो यहाँ त ठाँउ-ठाँउम गोलीकाण्ड होके मर्ननके ज्यान समेत गेल कना बात धाहा मिलल बा।

बास्तबम यी एक्को नै सजा बात हो काकर कि निर्वाचनम विजय होके गैलसे घुम्ना कुर्सीम बँठना व भत्ता पचैना नेता तर चुनावके

समयम रात-दिन मेहनत कैंके प्रचार प्रसार कर बेर सामान्य कार्यकर्ता तथा जनता हुँक आपसम बाझा बाझ कर्ता, एकक घरम फेन राबनैतिक कारणले मन मोटान हुइना। हुइना त बहुदलीय प्रजातन्त्रम आपन ईच्छा अनुसारके प्रतिनिधि चुन पैना तथा आपन बिचारम सही काम करी कना विश्वास रलक पार्टीके प्रचार प्रसार फेम कर पैना अधिकारके व्यवस्था बा। तर फेन चुनावके आवेशम आके मनै एक्थो विष लग इन लदीयक मच्छी महराइल जसिन देख पर्य। साधारण जनताकेल नाही बल्की कुछ बुज्जुक कार्यकर्ता तथा सर्वमान्य नेता हुकन फेन वी षिठ हावा लागल देख गैल। खास कना हो कलसे आपन पार्टीके सिद्धान्त तथा सिद्धान्त अनुसारके मजा व्यवहार देखाके जनतकके मनहन पी। सेक्के हुकनके मत प्राप्त कर पर्ना हो। तर यहाँ त का देव ब मन मिलल कलसे खाली आपन पार्टीहन केत मजा देखैना ओ दोसर पार्टीहन जसिक फेन खराब देखैना अर्थात आपन पार्टी भित्तरेके खराबी हन भर नुकाए खोजना तर दोसर पार्टीके करल वौनो मजा काम बा कसे वाकर उल्लेख नै कर्ना जसिन काम राबनैतिक कार्यकर्ता तथा नेता हुकनके बानी व्यहोरा से थाहा मिलथ। तर वास्तवम असिन नै कैंक आपन पार्टीके भित्तरे रहल खराबी पना हन सुधार पर्ना जसिन देख जाइथ।

सरसर्ती ह्यार बेर जनतनसे भोट मा'के आपन पार्टीके सरकार गठन कैंक देश तथा जनतनके सेवा करम कना बचन बुद्ध हुइती आपन चुनावी अभियान आग बढैना क्रमम खाम कैंक नेगाली काँग्रेस ओ ने. क. पा. (एमाले) के द्विधा प्रतिस्पर्धा हुइल देख गैल। वाकर पाछ-पाछ रा. प्र. पा. फेन लागल पुगल मम चुनावी होडबाजीम दौरल देख गैल। अस्तहँके अन्य पार्टी हुँक फेन चुनावी अभियानम लागल पार्टी हुँकन के बिचम प्रतिस्पर्धा हुइल देख गैल कसे दोसर ओर चुनाव बहिष्कारके नारा देती संयुक्त जनमोर्चा (भट्टराई समूह) नेपाल फेन लागल पु ल सस आपन अभियानम भिरल देख गैल। ज्याकर अनुपार संसदीय चुनाव कलक केवल जनतन नुकाके बुजुवा बगाल हुकनके शासन कर्ना जाल हो। संसद कलक धनी वर्गनके गफ कर्ना अखाहा हो। धनी वर्गके मनै संसदम जीतके जैथ ओ आपन फाईदा हुइना किसिमके ऐन कानूनके निर्माण कैंके करीब हुकन दबैथ कना बात सुनैती वास्तविक श्रमजीवि जनतनके हाग फाहदा हुइना काम हुँक कुछ फे नै कर्थ कना बिचार बाउँ, शहर, टोल आदि स्थानम आपन किसिमके आमसभा, नारा-जुलुश, कोण सभा, रातम मशाल

जुरुश आदि कति संसदीय निर्वाचन बहिष्कार तथा नयाँ जनवादी क्रान्तिके तयारी कर्ना बात जनतनके सामने रखती आग बढल फेन देख परल।

असिकन समय रूपम ह्यारबेर संसदीय निर्वाचनके समयम ख'स कैंक दुइ किसिमके बिचार आइल देख गैल। एक किसिमके बिचार निर्वाचनम भाग लेक आपन पार्टीके सरकार गठन कर्ना ओ दोसर बिचार संसदीय निर्वाचनके बहिष्कार कर्ना। पीह कारणले हुई सायद जनता हुकन अलमलमा पर्ना काकर कि एक्थो आके फलना पार्टीक चुनाव चिन्हम छाप लगीहो कना दोसर आके और पार्टीके चुनाव चिन्हम छाप लगाए सिखैना तथा तेश्रा आके चुनाव कलक धोखा हो, जनतन फँसैना जाल हो, भोट दारके जनतनके वौनो फे समस्या समाधान नै हुइती उह मार भोट दार ना जैहो कहके कना। अस्त अस्त बात चुनावके समयम सुन मिलल।

तर ज्या जसिन किसिमके बिचार देखा पर्लसे फे चुनाव आपन हवाए पर्ना समयम होके छोडल। चुनाव हवाएबेर देशके अनेकौ ठाउँम अनेक किसिमके घटना घटल। बुथ क्याप्चर मत पेटीका बरैना सामान्य रूपमे भोट दार नै बाके हुइलसे फे बहिष्कार कर्ना आदि काम देख परल। ज्याकर कारण देशके अनेकौ ठाउँम रलक निर्वाचन केन्द्र स्थगित फे हुइल ओ कुछ समयके बाद पुनः निर्वाचन कर पर्ना देख गैल। असिकन निर्वाचन कर बेर सरकार हन धन जनके शक्ति कत्रा प्रयोग कर परइ हुई कना बात सम्पादकके पहुँचो दुर रलक बोर्स उल्लेख नै कैंक गैल हो।

संसदीय निर्वाचनके परिणाम अनुसार सरकार गठन करक लग आवश्यक बहुमत कौनो फे पार्टी प्राप्त कर नै स्याकल। उह वर्से सबसे घेर सीट (८८ सीट) जीतके गैलक पार्टी ने. क. पा. (एमाले) १ महिनाके भित्तरे समर्थन प्राप्त कर्ना हिसाबसे सरकार गठन करल ओ आ'के मितिसम समर्थन प्राप्त कर्ल बा। भविष्यम कहाँसम समर्थन प्राप्त रथिस हँनी जाई एमालेके अलमतके सरकार हन। एमाले चुनावके समयम जनता हुकन जौन आश्वासन दिहल उ कला सम पुरा कर स्याकथ कना चिजके मूल्यांकन कर्ना बाँकी बा, तथा जनतनके हित संसदीय चुनावसे हुइथ या नै हुइथ कना बात पाठक वर्ग हुकनके सामने प्रश्न चिन्ह रखी अन्त्यम "गोचाली" पत्रिका अंक १०, वर्ष २४ हन बौद्धिक, आधिक, नैतिक समर्थन अर्थात हरेक किसिमके सहयोग दिहुइया शुभचिन्तक हुकन मुरी मुरी धन्यवाद।

जय गोचाली परिवार !

२०५१ साल बैश ख १ गते गोचाली परिवार

यह भावा तथा गृहस्थ सुधार समितिके भेला जिसला बरिया गा. वि. स. छधवार वा. नं० ८ कककहवामा सभान हुइल। प्रागामी कार्यक्रम सञ्चालनके लागि सपतिल अनुधारके गोबानी तरेवार गठन के गेल।

गठन

संरक्षक

श्री महेश चौधरी दाङ्ग

अध्यक्ष-	श्री कृष्ण प्रसाद चौधरी	बरिया
उपअध्यक्ष	श्री कर्ण बहादुर चौधरी	"
बोषाह क्ष	श्री सगुन लाल	"
सचिव-	श्री खुशीराम	"
सदस्य	श्री नारायण	"
"	श्री मंगल	"
"	श्री सधुराम	"
"	श्री जीत बहादुर	"
"	श्री गोबन्द	"
"	श्री पुनाराम	"

संपादक परिवार

श्री सगुन लाल चौधरी	बरिया
श्री राम प्रसाद	"
श्री भगवती	दाङ्ग
श्री माल	"

सल्लाहकार परिवार

श्री दुर्गा प्रसाद चौधरी	बरिया
श्री वेद प्रसाद	"
श्री भगवती चौधरी	दाङ्ग
श्री टेक बहादुर चौधरी	"
श्री राम शरण	बरिया

प्रचार प्रसार परिवार

श्री कृष्ण थाक	बरिया
श्री जग्जु प्रसाद चौधरी	"
श्री कृष्ण कुमार चौधरी	बबई क्याम्पस बरिया
श्री दुर्गा प्रसाद	"
श्री कर्ण बहादुर	"
श्री जीत राम	"
श्री खुशीराम	"
श्री राम दुलारे	"
श्री जलवीर	"

अर्थ संकलन परिवार

श्री केशव बहादुर चौधरी	बरिया
श्री साधुराम चौधरी	"
श्री कालीराम	"
श्री लीटन राम	"
श्री रूप लाल	"

विषय-सूची

क्र. नं.	का	कहाँ
१.	स्वागत गीत	१
२.	मैं कौन देवताके पूजा करू	२
३.	छाई फे लर्का हुइत	८
४.	अधिकार	१०
५.	साँसदजी हुँक	१८
६.	गीत	२०
७.	हमार समाज	२१
८.	उठो गोचाली	२२
९.	अधकचरा प्रेम	२३
१०.	१६ थो सुक्क	२८
११.	नेपाली महिला अक्षिक बाँचत	३२
१२.	लपेटा गीत	३६
१३.	वीरताके निशान देखा देब	३७
१४.	सपना	३८
१५.	थार जातिके परिचय	४०
१६.	कन्है	४२
१७.	मै का लिखुँ	४३
१८.	राउदेव पैधार	४५
१९.	बडकीमार संरोती पैधार	४७
२०.	आर्थिक सहयोगी	४८

स्वागत गीत

ले०जे०पी चौधरी, बर्दिया

स्वागत बा ! स्वागत बा !! स्वागत हमार बा ।।।

अबन घरके काम छोरके, आँधी दौखा नै मानके
घाम व पानी सहके, साहित्य गोष्ठीम अबैयन,

स्वागत बा । स्वागत बा ॥ स्वागत हमार बा ।।।

गोचालीक सीतर छहिपक ते, आपन समजके नैयक ते,
प्रगतीशील साहित्यक ते, भाषाके विकास करक ते,
योगदान देना गोचालीन

स्वागत बा । स्वागत बा ॥ स्वागत हमार बा ।।।

समाजके अन्ध बिस्वासह, कुरीती असत्यह,
पिछरल हमार समाजह, सही डगर देखुइयन,

स्वागत बा । स्वागत बा ॥ स्वागत हमार बा ।।।

शोषणके जाल फरइयन, अन्यायके धिरोध करइयन,
आपन हक अधिकारके लाग, क्रान्तिके बिगुल कुकुइयन,

स्वागत बा ।

साहित्य गोष्ठी करइयन, असल समाज बहुइयन,
चेतनाके विकास करइयन, क्रान्तिके डगर खोजुइयन,

स्वागत बा ।

मेहनत कैंके खबैयन, पसिना आपन बहुइयन,
किसान मजदुर कमैयन, गरीबके पक्ष लिहुइयन,

स्वागत बा । स्वागत बा ॥ स्वागत हमार बा ।।।



(१)

मै कौन देवताके पूजा करु !

सगुन लाल चौधरी, बर्दिया

धर्म शास्त्र अनुसार रामके पूजा करुँ
जौन राम सर्वशक्ति सम्पन्न रलह
भूत वर्तमान व भविष्यके ज्ञाता रलह
विष्णुके अवतार आदर्श पुरुष रलह
तर रामायणके पाठ पढ वेर
दादु भाईके झगडाम हस्तक्षेप कैंके
घोका देक वाली हेन मर्ना
राम राज्यके नाउँम गरीबके हत्या कैंना
धुर्त पुरहीतके चुगली मुनके
तल्लो जातिनके शोषण कैंना
त्रिकाल दर्शी होके फेन
आपन जनी सीताके
रक्षा व विश्वास फे नै कर्ना
उह बसें मही कहनास लागथ (१)
मै कौन देवताके पूजा करुँ ?

आज्ञाकारी मानके रामके प्यारा भाई
लक्ष्मणके पूजा करुँ की
दाई बाबु व जत्नीक माया मारके
दादु भोजिक सेवा कर्ना
रामके आज्ञाकारी वन्के
रातो दिन पहरा लगैना
जसिन कठिनाई फेन सहन कर्ना
विर योद्धा भैया लक्ष्मण भी
बनवास के समयम
घनघोर जंगलके बिचम
चिरैबुरुडगतके सुमधुर ध्वनी
आपन संधी सर्पणके छयाल कर्ना
महाज्ञानी, सुप्रसिद्ध न्याय प्रेमी राबणके
बहिनिया सुर्पणखा बन वा भुमतह
जहाँ राम सीता लक्ष्मण कुट्टी बनल रलह

(३)

उ समयके परम्परा अनुसार
 आपन व अपन रोझना
 रोजल बरसें निवाह कैना
 आपन भाग्य अपन वनेना
 दाई बाबा केवल रीत पुगा देना
 उह वसें राम लक्ष्मण जसीन थरेन देखके
 सुर्षणखा लवण्डी आंख लराईत
 बिचारी पाछ ख्याल ख्यालम
 आपन इइजत लुटाइत
 दादु भौजीन आंख छलके
 दुष्ट लक्ष्मण अस्तित्व लुटना
 एकान्त बन्वा भित्तर रोदन क्रन्दन
 करती-करती
 सतीत्व वचैना के लाग गुहार मगती
 धनुषधारी लक्ष्मणके शिकार वन्ना
 अन्तम नाक - कान कटवा पैना
 अस्तिन अवला नारीके हुर्मत लेना
 तब मै कहनास लागथ

मै कौन देवताके पूजा करूँ ? (३)
 दादुक मैयां कर्ना बहाना लेके
 सेना लेके बन्वम जैना
 बाँडाई कर्ना बातवरण नै बनब बसे
 ग्वारक पौवा समेत लन्ना
 १४ वर्ष संगत ग्वारा नेगना
 भरसक जंगली जनावरसे
 अथवा विषना साँपनसे
 कटावा देहाके दादु भौजिके
 आदर कर्ना रामके भैया
 भरतके बदमासी देखके
 महीह कहनास लागथ
 मै कौन देवताके पूजा करूँ ? (४)
 विष्णुके अवतार भगवान रामके
 बाबा वनके दशरथ राजा
 उ समयके महापुरुष व ज्ञावा

(३)

देश दुनियाके पालन कर्ती
 तर एक रानी हुइती हुइतो
 दोस्ना विवाह कर्ना
 उह नै पुगके तिसरी लन्ना
 धर्म शास्त्र अनुसार पर स्त्रीके
 मुह नै हेर्ना
 तभु पर पहिला दोस्ना तेस्ना हेर्ना
 आपन तफसे लइका नै जर्मलसे
 आपन जन्मिन अनैतिक काम करेना
 उहीम फेन जप्तीक गहना लागके
 छावा पतोहियन बनवास पठेना
 उह वसें मही कहनास लागथ
 मै कौन देवताके पूजा करूँ ?

॥ ५ ॥

रामायणम नाउँ लिखल बा परशुरामके
 बाकर काम जानी विरोध कर्ना रामके
 एक दिनके बातहो, उह समयके
 दाई बाबक झगडा हुइल वखतके
 बाबक आज्ञाकारी परशु रह
 नारीन दवीना हेल्हा कर्ना चलन रह
 शोषण दमन अत्याचार कर्ना
 शक्तिके दमन नाके हत्या कर्ना
 परशुके बाबा अत्याचार
 परशु रह बाबक आज्ञाकारी
 दातव जसीन बाबा लछार-पछार कर
 छावा परशु तमासा ह्याद
 अन्तम हत्यारा बाबक आज्ञा मानके
 आपन दाईक छुर्यावा काटके
 मातु हत्यारा परशुराम बनल
 उव वसें मही कहही परशु
 मै कौन देवता के पूजा करूँ ?

[५]

पाप करुईया पापी हो
दान करुईया दानी
लुट करुईया लुटेरा हो
ज्ञान दिहुईया ज्ञानी
वस्तके

न्याय करुईया न्यायी हो
अन्याय करुईया अन्यायी

उह वसें धर्म शास्त्रम लिखल बैबो

समय-समयम विष्णुके अवतार देखबी

विष्णु कलक देवतावनके अगुवा

राक्षस कलक शोषीत जनता

जब-जब शोषीत जनता आग बढल

विष्णुके अवतार नाउसे दमन कर्ल

उ समयके जालन्धर वीर रह

शोषीत जनताके अगुवा रह

द्वार तरफ

जेही हम्न विष्णु भगवान केके पूजा कर्थी

हमार अन्न दाता प्राण दाता कथी

साँझ बिहान हात जोथी

विष्णु-र केके प्रार्थना कर्थी

उह विष्णुके अवतार हन हेंरी

जड्याँहा भँगाहा महादेव समेत आपन

चरित्रहीन जाली फटाहा देउतावन

एकजुट होके जालन्धरके विरोध कैना

शोषण दमन अत्याचारके पक्षम जैना

अन्तम जालन्धरके विजय देखके

छल-कपट केके जालन्धर पत्नीके इज्जत लुट्ना

भगवानके नाउसे छलकपटके काम कैना

उह वसें मही कहही पर्ना हुईल

मे कौन देवताके पूजा करूँ ?

तमाम सन्त ऋषी मुनिन्के

जीवनी देखबो नाउँ सुन्बो

महात्मा सन्त ऋषि मुनि केके

पराशर नाउके ऋषि मुनि रह

लाउ चलुईया लौवाके घेटीया रह

“मस्स्य गन्धा” नाउँके लवण्डीया रह

उ पार जँना बहाना लेके

एकान्त रहल लड्की देखके

उ युवतीके हुर्मत लुटल

मर्भ रहलक कारण घरवाली बनाईल

उह वसें मही कहनास लागय

मे कौन देउताके पूजा करूँ ?

॥ ८ ॥

ब्रह्मा, विष्णु, महेश मध्ये

सृष्टिकर्ता ब्रह्मा हुइत

यी धर्मशास्त्र के कहाई हो

चार वेदके महान ज्ञाता

जीव जगत्के सृजनकर्ता

यी समाजके बुझाई हो

बडद्वार मनै ज्या-ज्या कथं

सक्कु ठीक हो कहना बानी

आपन उपर अन्याय पर्लसे फे

भाग्यह दोष देना जानी

शक्तिके भरम अन्याय कर्लसे फे

भगवानके लिला कहानी

हमार समाजके लेखक हुकन्के

सत्य घटना लुकैना बानी

अनैतिक भ्रष्ट बडवार मनैनके

गुनगान केल ग्रैथ जानी

यी समाजन डाँका चोर बदमास तमाम रथ

जत्ता बदमासी कर्लसे फेन आपन घर वचैथ

घर, चार वेदके ज्ञाता
 जीव जगतके सृजनकर्ता
 साज धीन ब डर नै मान्के
 इज्जत के ख्याल नै कैंके
 आपन छाईके हुर्मत लुटना
 उह छाईह जन्नी बनाके
 जीव जगतके सृष्टी कर्ता
 जौन ब्रह्मा पाप करना
 बाकर ह्यत्र पूजा कर्ता
 उह बसै मही कहनास लागब
 मै कौन देवताके पूजा करूँ ?

॥ ९ ॥

भांग खाके भगवाइल रहल
 पार्वतीह छोडके बिदेश घुमना
 पशुपंथी जेहीसे फेन बासना तृप्ती कर्ता
 कैंयौ बर्ष दुनिया घुमना
 ऐसिन गौजडी मवादेव देखके
 आपन अबस्था अपने सोचके
 जवानीके धार छल नै सेकके
 छावा पाइल गणेश नामके
 इज्जत आपन छुपाईक लाक
 शरिरके मेलसे बनल कहथ
 क्याकर लडका के हो कहना
 महादेवके धाहा नै रहना
 सर्व ज्ञाता महादेव होके
 जन्नी ब छावाके धाहा नै पैना
 बिना बाबक छावा जर्मन
 ऐसिन महादेव पार्वती रहना
 उह बसै मही कहही पर्ना
 मै कौन देवताके पूजा करूँ ?

❀ अधिकार ❀

-खुशीराम चौधरी
 धोविया, बढिया

दिनभर कमाही कैंके आधा पेट खैना
 अधिकार पैलक बाट कह नही पैना
 अधिकार पैलक बाट कहवेर बन्दुक तेसैना
 रात-दिन काम कैंके कुछुफे नै पैना ॥

सक्कु कमाही देलसे फे जिम्दारनके भूडी नही भर्ता ।
 अधिकार पैलक बाट कहवेर बन्दुक तेसैना ।
 रगत पसिना चुसत-चुसत हड्डी केल बर्चैना ।
 आपन रगत चुसवेर धाहाँ नही पैना ॥

उठो जागो ए मोर गोचाली अधिकार लिहना बेलामा ।
 आधा रातसे खेतवा जोत्थी बसिया मार खैना ।
 खेतवा जोत्के घर ऐथी भोकटी भोंधाईल रहना ।
 उठो जागो ए मोर गोचाली अधिकार लिहना बेलामा ॥

पिठार निकरल झुलुवा घरथी, चुट्टी निकरल टोपी ।
 बाबक दिहल जरम कैंसिन बितैना ।
 उठो जागो ए मोर गोचाली अधिकार लिहना बेलामा ।
 मरी-मरी काम कर्थी मारक पानी पिथी ।
 कलक बाट मन्ती मन्ती लगादिहल लट्टी ॥

उठो जागो ए मोर गोचाली अधिकार लिहना बेलामा ।
 एक होके समाज हन बलगर बनाई रखना ।
 सामन्तिक बनाईल कानून एक होके फेंकना ।
 उठो जागो ए मोर गोचाली अगतिक डगरम लम्कना ॥

जब जौन देउताके नाउँ लेना
बस्त बस्त बयान देख पर्ना
बिना बाबक गणेश जस्त
भगवान कृष्ण पैबो वस्त

आपन बहिनियाके कोखसे
जौन लडकाके जरम हुइना
उह लडका आपन मामा कंशके
सर्वनाश कर्ना कहना

उह समयके गुरुपुरोहितके चलाकी रह
कंशके शासन टुटैना चाल रह
बहिनिया मर्लसे पाप हुइना
भैने मर्लसे महाम पाप
उह वर्से शासन सत्ता कसीक बचैना
वासुदेव देवकी अलग रहना
जेल कम्पाउण्ड अलम रहना
कडा निगरानी चौकस पहरा देना
तभु पर

पार्वतीके आंगक मँलसे
गणेश जर्मल जसीन
देवकीके गर्मसे कृष्णके जनम हुइना
दाई बाबक सम्बन्ध बीना
छाई छावा जरम पैना
अस्त अस्त लिला देखैना
उह हमार भगवान ब देउता रहना
उह वर्से मही कहनास लागथ
मै कौन देउताके पूजा करूँ ?

गाउँम जँबो गुरुवा कहथ
गाउँ गवलीयन मै बचैबु
देशम जँबो देश बँधीया कहथ
देश दुनिया मै खलैबु
घरम जँबो घर गुरुवा कहथ
घर दुवार मै हँरबु

तर, ज्याकर घरम भँकरी खाली
झुर भँदीयक करै खाली
रोगिया रोगले ढलल रहै
वाकर घरम कौनो गुरुवा तै जाई
उह वर्से,

अन्तम मही कहनास लागथ
छाक - बास कपासके लाग
स्वस्थ्य शिक्षा रोजगारके लाग
शोषित उत्पीडित जनतनके लाग
शोषण दमन अन्याय अत्यायके विरुद्ध

शोषित जनतन मुक्ती देहुईना
गरीबनके उत्थान कैना
शोषण रहीत समाज सृजना कैना
उह वर्से, महि कहनास लागथ
उह देवताके मै पूजा करूँ !



“छाई फे लर्का हुइत”

-डुर्गा प्रसाद चौधरी

सुखेंत क्याम्पस शिक्षा
बि. एड. दोश्रो वर्ष

समय २०५०/५१ सालक हिउँद महिना हो। विद्यालयमा लौव भनी हुइना समय विद्यार्थी लौव-लौव अनुहारके देखपर्यं तर लौव अनुहारमा खाली लवण्डन केल देख परत।

पाद हुँक

सीता- आपन दाईक छोटकी छाई

जगमोहनी- सीतक दाई

किरण- सीतक दिदी

दिनेश- सीतक बडका दादु

श्याम कुमारी- किरणके गोही

शारदा- किरणके गोही

दिपक- दा ! छोटकी भैया आज षड स्कूल नै जाइक लाग हो।

जगमोहनी- जाओ छावा, सक्कु भाई संग जाओ। पढ नै जँबो त गम्जा हो जँबो।

सीता- दा ! महिह पढनास लागत मै फे दादुनसँग स्कूल पढ जँम।

जगमोहनी- पढ जँही, त्वार छेग्री-भेरी के चरा दे ?

किरण- (सीता छोटी हुइलक ओसे आपन दाईक बातह काट नै स्याकत, सीता अनमन हो जाइत, सीतक ओसे किरण बोत्देहत) दा सीता बाबुह स्कूल पढ जाइदेओ, सक्कु दादु भँयन जँथ, उही फे संग-संग जँना रहर बातीस छमेरके स्कूल जाई सुहँना बातीस।

जगमोहनी- वाकर छेग्री-भेरी के चरा देहिस ? उ पढ जाइत।

किरण- दा ! छेग्री मै पलम गोरुनसँग। कित महतान बुबह चराई कलसे त चरा दे। बुबह विघा फे बढ जँहिस चार-पाँच ठो त बात।

जगमोहनी- महतान बुबा सीत ह करिन मजा मन्थिस। विचारी सीता मिइनी (मार) बोक-बोकके खवाईत कैक। त्वार बुबह (मार) के खवा देहिस।

किरण- दा ! बुबक लाग मै मिइनी (मार) बोकक लँजादेम हम्न पाँस काट जँना और त चरँथ सव्द। हम्न सव्द बुबह मिइनी खाइत भेटैथी।

जगमोहनी- यी किरण त खुब जग्नाह होंक बात बत्वाइत। धीह हो आपन बाबुह उरकुइया। बात काट-काटक ब्वालता। कबु मै छेग्री-भेरी गोरुनसँग पलम कहत त कबु महतान बुबह चराई देवा कैक कहत। खुब गोरुनसँग छेग्री-भेरी पबुइया हुइल वा, गोरु पलम त करँ बातीस। यही त (आपन दादु भँयन) त्वार छावन पढत देखक रीस पो बातीस। त्वार दादु-भँयन त लवण्डा हुइत। तुह लअँयी मँन काकर पढ परल।

किरण- दाई फे कसिन कह लागत। दादु-भँयन पढल देखक रिसैलक त बात नै बतोइल हुँ। बाबुह दादुनसँग स्कूल पढ पठाओ केल त कलक हो। बाबुह दादुनसँग जँना सजिलो हुईहिस पो कलक हो। दाई ! का छाईन पढलसे विप्रथ त ? लअँरेन पढक काम नै लागत त ?

जगमोहनी- धी किरण त आम्हीन उपर हो-होक ब्वालता। छाई पढक विप्रथ कि सप्रथ महिह थाहाँ नै हो। छाई पराई घर जँना जात हुइतो। तुहन त भात भरसा कर्ना केल त हो, भात-भानसा कर पो सिखना हो। जग्नीरुक काम तोहीह थाहाँ जो बात खुक खुक आपन काम कर्ना कहाँ सँमिस्। जा षट्ट घाँस काट, गोरुन घाँस वर्ना जुन हो चुकलीस्। कव काटथ घाँस। कैहना थैरी बुहक कामाही ? बहाँ देवी त थरौक घर चल जँबो। (किरणके मन जर्थीस, छटपटाहत लगथीस, उकुस-मुकुस हुइत, मुह फौरक कहक लाग रहत। तर समाजके कहाई ह समझदारत “छाई जुनी हारल (जुनी) कर्म हो” कहारे से साथ नै पँना जसिन छाखत ओ आपन कामस षट्ट घरसे निकर जाइत)

(दोस्रा नजर) दोश्रो दिन

किरण ग्री लेक घट्टवम पानी लिह जाइथ। शारदा ओ श्याम कुमारी फे पानी लिह घट्टवम गैल रथ। किरणह देखक किरणके गोही

हुँक खुशी देख पथ ओ दुरमे बोल कथं, आज खुब काम कै रखलौ ।
बर्का बेर अस्या लगाक ऐबो नि कर्लो, आव ऐही-आब ऐही कैक खुब
साहारा कर्लो; उलीत बीलीत हेँती गौली । का कर नै ऐलो ? कहाँ
कटलो घाँस ?

किरण- (छोटी उत्तर देती) आज ढील हो गैल । बागीम खोज-खाज
कैके बल्ल-तल्ल गौजा भरनु । भक्खर आइतु पानी लिह । आज
बरा ढील हो गैल बा तुह पानी पुगा स्याकल हुइवो ।

श्याम कुमारी- तुहिन त हन्न ढील कर कहल हुईती ?

कसिक ढील कै दलों जनाव ना कारक नि आइसेकलो ?

किरण- छी बरा ! यी त नस्से खोत्या खोत्याक पुछ लगली । आज जिन
भुलावका झन ढील हो जाई । तु त और दिन नै जम्ना
अस कर्थी काल त भेट घाट हो जैवी (अत्रा बात कही) किरण
पाकीक गग्गी मुन्टम (कपारीस) उठाइत ओ एकथो धेवनम लेक
झट्ट-झट्ट आपन घर ओर लम्मा पैला सारथ । शारदा ओ
श्याम कुमारी भात बुझ नैसेकत, किरणसे अक्क बक्क पर
जैथ एक घची ।

(वेश्रा नजर) तेश्रा दिन

बिहानके उट्तीती ग्वावर पानी कर्नी किरणके काम रथिस ।
घर अंगना घोलैना फे ऊ आपन जिम्मा ठानथ ओ उह अनुसार करथ ।
गग्गी लेक घट्वा जाइथ । बिहानके समय ग्वावर पानी कर्नीमा टिकक
हो जैथिस किरण ह । दादु भयन खाना खवाक सकु भाँडा मिस मास्क
सैक्ती ती भिजल हाँथ गौजालेक घाँस काट घरसे निकरथ । शारदा ओ
श्याम कुमारी फे घाँस काट जैना कैक भक्खर घरसे निकरल रहथ ।

श्याम कुमारी- राम ! राम !! हो गोही । (किरण फे आपन ओसँ दुनु
जन्हन राम ! राम !! बा कैक फिर्ता करथ) कालहीक
बात त बाँकी बा, बरवाओ हली कसिन बात हो तुहाँ !
हन्न त बुझही नै सेक्ली तुहाँ बात ।

किरण- का बात रही ! सीता बाबु दादुनसँग स्कूल पढ जाउँ कैक दाईसे पुछवेर
दाई जाई नै देली । बिचारी सीता बाबु रूईती छेगरी छवारल ।
सीताह रूइत देखक म्बार मन फे रूई लागल । आँख सुवगैल
ओ म्बार मन त काहाँ काहाँ स्वाँचल (दादु भयन नर स्कूल

जैना हन्न छाई भर किऊ फे नै स्कूल जाई पैना) मही रीस
लागल व दाईसे कनु बिचारी ह पढ जैना रहुर बातीस जाई
देओ । बाबु कलक उह केल त हो उही केल त पढाई परी
चार-चार थो दादु भयन जैथ नाही ? अत्रा बात कहवेर
हमार दाई त मही ह उसकरल (गरीयाय) लागल, तैहँ बडा
जम्नाह हो सँल्या कति मही त आपन लर्का अम नैकराइल ।
दादु भयन पढन देखक आँख फुट्तीस कैक कह लागल ।

श्याम कुमारी- काकर हमार दाई-बाबा हमन (छाइन) आपन लर्का अस
नै कैत ? आखिर हन्न फे त उह क्वाखमसे ज मली ।
दशौक छुट्टी हुईलक दिा दादु नर रहल । दश्या आइता
कैक बडा खुशी देख परत । दादुनक छुट्टी वातीन कैक मै
दादुन से कनु "दादु तुन्हक छुट्टी होईल दश्या फे लगहँ
आ रहल, बोलो घाँस काट देह, ध्यार घाँस रही त हन्न फे
तुन्हक सँग नाच हवार जैवी । गोही-गोही दश्या फे लगहँ
अत्रा बात कहवेर हमार दाई त महीह कह लागल
हेती बिना भापी लाज नै लागथुइन् आपन पढना दादुन
अहइता । आपन जाँगर ओराइतीत और का-का कहल
कानी मै त झट्ट घरम से निकरके घाँस काट आगँतु ।

शारदा- छाईन्ह क्याकर घरम मुख बात ? सकुन्हक ओस्तह त हो ।
हन्न हँ त दादु भयन पढाईती घरक सककु काम उसाक ।
लुगा फाटा फे हन्न हे धो-धाक स्कूम जैना टीकक पारदेधी ।
जथ्याक कर्लसे फे छाईन्हक कमाही कहाँ देखही ओ के बोल्दे
छाइन ओने । सारा हुनिराम दरत हँ देख परथ । "छाई जुनी
हारल जुी हो कैक हेल्हा कथं" "छायन केल त आपन लर्का
अस करथ वुहाँइलम छायन सेवा कथं कैक" छायन से ध्यार
त हन्न कर्थी तर हमार सेवाह कहाँ देखही । आजकाल फे त
कति वाती । पराई घर जाके फे केकरो ना केकरो दाई बाबक
सेवा कर त जैथी । अस्तह हमार दादु भयन फे केकरो ना
केकरो छाइन त लनहीं सेवा कर्नी कैक । तब्बो फे नै हो
छाईन्हक मुख ।

किरण- गौजा भरैलो की नाँही ? बात-बातम ढील हो चुकल झट्ट
जाई, गोरू छटपटाई हुइहीं । तिन्यो जान घाँसक भरुवा उठैथ
ओ झट्ट-झट्ट घर ओर ऐथ ।

चौथा नजर (चौथो दिन)

दिनेश- (दाईसे पुछथ) दाई ! किरण बाबुक आजकाल जीऊ ठीक नै हुईतीस की का ? मुर बुराइल अस देख परत । बोल्ना फे कम ब्वालथ और दिन त तुह छाई-दाई नस्से बत्वाओ । आजकाल त बतोईना फे नै बत्वाईत देखु ।

जगमोहनी- का हुईहिस रीसाइल हुई महीसे ।

दिनेश- काकर रीसाई ओस्तह, कुछु कै देहल हुईओ त नै ?

जगमोहनी- काकर नि कव्या त छावा । बडा जन्नाह होक जबाफ सवाल करतह । सीता स्कूल जाईक लाग रह । सीतक ओरें लागक सीतह जाई देओ कैक कह तह । सक्कु छावा पठ पठैलो हमन छाइन भर नै पढाक ब्वाबर पाी, बाँस पात केर कर पठैथो कैक कहतह । सीताफे स्कूल जाईक लाग खुब रुइतह, अप्पर देखीसु त बृपाईल ओ छीरी लेक गेल । स्वार वड्नी (वकी) बाबु किरण जुन कोन्टीम जाक होकाइल रह, मोरु बाम लगीस त सम्वाल काहें की आपन बाबक डर डरके चुपैस घाँस काट निकल । रह था छावा कै दिन नै बोली सोचक आपन जीउ अण-हैं सुखाई ।

दिनेश- किरण बाबु ठीकक त कहल रह । तुह नै बुझैथी । छाईन त लका अस नै करैथी । बिचारी बाबु हुकन बिनसेती ल्वाक ।

जगमोहनी- छाइन्हक रुइलक त दुःख नै लागत । छाई त दान्ने बातम फे रुई करथ ओ झट्टह सुफल फे जेथ । मिहाँ त हन्न छाइन बह्ना देना केर त हो, जुनी कटैना त अन्त हुइतीन । बुढाइलम रेखदेख करुइया त तुह हुइतो छावा । तुहक ओत्ता छाइन काहीं माया कर सेक्वी ।

दिनेश- (दाईक बात सुनके दिनेशह रीस त उठथीस तर उहीह यी फे थाहाँ रथिस की शिक्षाक अर्थ नै बुझके हो कनी, उ सम्झौना हिसाबसे कहता)

“Men and women are two wheels of a cart” छाई छावा कना त एकथो लरीयक दुईथो चक्का हुईती । दुइथो न एकथो चक्का कमजोर हुईलजे लीहा आध बड स्याकत, ओस्तह त छाई-छावा मध्ये छाइन कमजोर रह ही त

हन्न आपन स्वाँचअ अनुसार विकास् केँ कामम आध बड नै सेक्ती । छाई छावा न हुहक दुईथो आँख अस हुइती । दुनु आँख बराबर काम करत ओ दुनु आँखक बराबर सेवा कर परथ । तुह त एकथो आँखक सेवा कैत दोथा आँख (छाइन) हुईती-हुईती कान (बनैल बाटो सताज ह) बनल बाटो ।

दुइथो हाँथ एक जीउन लागल रती-रती फे दारी हाँथ कैक हँला कर अस छाइन दारी हाँथ बनैल बाटो । जन्नी मनै ओ पुरुष मनै बराबर हुइत कना तुहन थाहा नै हो । हन्न फे पुरुष अस काम कर सेक्वी कना घमण्ड नै कर सेक्थी । भारतम जन्नी मनैया (इन्दीरा गान्धी) राज चलैलक बात तुहन थाहा जो बा । का ऊ पुरुष अस काम कर नै स्याकल रह त ? पक्का फे ऊ स्याकल रह । पुरुष अस काम कर स्याकल लाग पठ परथ, ऊ रह । पढले जन्नी मनै फे सक्कु कान कर सेक्थ । हमार बाबु हुँक फे पढल रत त हमन सक्कु क कर सेक्ने रलह । आजकाल त जन बिग पढल काम नै चलाए सेक जाइत । तुहन थाहा जो वा पैसा नै चिन्क काम नै चलाए सेक्लक बात । शहर बजारम जन्नी भने प ठ सक्कु काम कर सेक्थ । पढैना मुह लतैना आजकाल त जन बस, चिलगारी फे जन्नी मनै चलाए लाग सँल । हमार गाउँमा एकथो जन्नी डक्टरभ्या सूई लगाए आइत देखलो त का ऊ बिना पढल सूई लगाए जानल त ? कसिन धुम्पार से सम्झा-तम्झा बत्थाई तह । पढल से ज्याफे काम कर सेक्थ जन्नी मनै । सीता बाबुह फे पढाई परथ । छाई-छावा कना त दाई-बाबन के दुईथो आँख अस हुइती । उह ओरें छाई-छावन बराबर कराई परथ । किहु काखा, किहु पाखा नै कराई हुइत ।

जगमोहनी- (लम्मा साँस लेक) जौन बात बतोइल्या ठीकक हो छावा । बिना पुरुष मनै हुइल त हन्न कुछु फे नै कर सेक्थी रूपियाँ-पैसा नै चिन्क । कालसे आपन बाबुह फे लँजाइस

आपन सँग स्कूल पढाए । त्वार बाबु के
चिन्ह सेकी ।

छावा, आजकाल बाजम् के ब्वालत हमार दङ्घा
बोलीम न थुन्यार से ? जनानी बोली बातीस जनानी त
नै हो ? ऊ फे त पढल हुई ?

दिनेश- वित्त पढल काहाँ बाजम् ब्वाल सेकी त । जनानी त हुइती ।
पढल बाती तब ब्वाल सेक्थी लिख सेक्थी, हमार जातीक
लवण्डी त हुइती । किरण बाबुक सँगक एकक नास हुइही
दुनु बान ।

जगमोहनी- ओहो ! छावा, पहिल थाहाँ रहत कि छाईन फे पढल से
छावन अस हुई सेक्थ कना बात त त्वार किरण बाबुह
फे पढेने रलही । रूप्या-पैसा चिन्ह स्याकत बाजम्,
बोलुइया बाबुक नेन्ह ब्वाल स्याकत, सूई लगाए अउईया
बाबुक नेन्ह सूई लगौनाम काम पँने रह । बि... चा ...
री... किरण..... ।



: साँसदजी हुक्र :

-सागर चौधरी

बबई बहुमुखी क्याम्पस गुलरिया, बर्दिया
आई. ए. दोश्रो वर्ष

विभिन्न पार्टीसे उम्मेदवार जब अप्त हुक्र बनल रहि,
खाली आपन क्षेत्र व जनतमके विकास कर्बु कहि,
तर अब अप्त हुक्र हमार देशके साँसद बनली,
देश ह चलुइया ड्राईभर बनल बाटी ।
यिह औरसे त देशके प्रत्येक नागरिक के,
अर्थात् विभिन्न जात जानी समग्र नेपाल देशके,
समस्या संसदम लँजाक छलफल बिचार विनिर्ण करारक,
समाधानके घोटैल डगर निकष साँसदन ।

× × × × × ×

थारू भाषा ग्वार केल नाही समस्त थारू जाति व,
संसदमका १४।१५ थो थामु साँसदनके मातृभाषा हो,
हमार भाषा साहित्य कला संस्कृती,
मैगर रलसेफे संरक्षण व प्रकाशनम बहुत बा कमी ।
एक रूपता नै हो भाषाम फरक बा ठाँउ ठाँउले,
थारू फे वस्त ह्यत्र फुटल बाटी पार्टीके विभिन्न नाउले ।

× × × × × ×

काफी बाटी साँसदजी हुक्र थारूने आवाज उठाइक लाग,
तफे संसद बञ्चित रहत हमार भाषा साँस्कृतीक उत्थान करक लाग ।
थारू हुईती अपने हुक्रनक दादुभाई भोट देव हयन कही;
जित्क गैली विभिन्न पार्टी से एकक पार्टी से नही ।

जौन जसिन पार्टी के रलसेके हुई अणु हुंकर धारू,
सोच दि हमार साहित्य विकासके लाग पार्टीहें लात मारू ।
तर अणु हुंकर पार्टी पार्टीके नेता बनकन,
पुर्वायह धरथी आपन छोरक और जहन ।
धारू आपन अणुह विकासके लाग एक हुई पर्या कैंक,
भाषण कथीं लेकिन फुटल रथी स्वयं अणुह ।

× × × × × ×

हो, अणु हुंकरके सिद्धान्त डगर करक हुई,
राजनैतिक सडाई जन भारिनक हुई,
तर हाल अणुहुंकर उ सडाई,
सरकनके बुकी मारा ब्याल ब्रेरिक सडाई समझक,
हमार भाषा साहित्य कला संस्कृतिक उत्थानके लाग हुई एक ।

+ × × × × ×

अणु हुंकरसे कुछ बात पुठना लागत,
पुठलक प्रश्नक उत्तर सजिलोसे आइना अस लागत,
तमून पुठवु,
अणु हुंकर कैहयासे हमार उत्थानके लाग,
आवाज उठइवी भाषा संस्कृति कला साहित्यके लाग,
धारू भाषाम एक रूपता आई कबु ?
समाचार अइना धारू भाषम बोल्थ मनै कहाँक ?
सबसे धेर धारू जौन भाषाम (बिरबिर) कथै,
सबसे धेर साहित्य कला संस्कृती जसिन धारू भाषाम भाग बा,
बस उ धारू भाषाम समाचार नै आइना कारण का बा ?

धन्यवाद !

गीत

-भवोरिया गोचाली

बदिया, मेरंया

उठो युवा हो तैल जाब हाँ, मिमिरे बिहानी ।
मिमिरे बिहानी मन पैला जाग सारी ॥
मिमिरे बिहानीमन हाँ, पैला सती बनाई हमार बानी ।
आग पैला साके हज्र फटिक अजरार लानी ॥
बिहानीके साली धाम हाँ, अस अजरार देक ।
हमार समाज बनाई परल अम्भकार मेदका ।
हिमाल जमीन शीर तुहार हाँ, बटान जमीन छाती ।
जसिन तागत रति-रति काकर पाछ बानी ॥
उत्तरमा हिमाल पहाड हाँ, दक्षिणमा तराई ।
उठो युवा सबकु जान हमार समाज बनाई ॥
असत्य व अम्भकार हाँ, कुरितीहु छोडके ।
सुन्दर समाज बनाई परल युवा आग बढके ॥
गाउँ धरके तबकु युवा हाँ, एकताप जुटो ।
आपन हुक अधिकारके लाग युवा उठो ॥
सबकु युवा जुटके हज्र हाँ, संगठन बनाई ।
आपन हुक लिहक लाग सस्यम जाई ॥
जार मुमु कामकु कथीं हाँ, पुस साधक ठण्डीमा ।
आँग तुकाई परथ हमन फाटल बन्डीमा ॥
दिनभर काम कथीं हाँ, पत्तिना चुहैवो ।
फाटल खुल्था पमिहा मारले जिम्बानी विाँवो ॥
शोषक जिम्बदार बैठल रना हाँ, हज्र काम कथीं ।
हमार रगत पत्तिना जिम्बदारी मरती मरता ॥
वर्षाभर खेतो कथीं हाँ, हाथ खारा सरवो ।
अन्न बाली तवार हुइथा जिम्बदारी धर भरवो ॥
कब्बो वर्षा कब्बो सुखवा हाँ, पति तर रहता ।
ज्याकर मारम पके हज्र गरीब भुँख मुअना ॥

खेल-ऐलो गोचाली बैठो लपकीके आपन भाषा साहित्यम कसी दरहो जोर ।
 गाउँ घरके तककु जान हाँ, कर परल रायी ।
 शोषकनके असिन जाल चिचकन फँकाई ॥
 शोषकनके असिन जाल हाँ, चिरकन फँकवी ।
 शरीर दुःखी जनता हम्न सक्कु सुख पैवी ॥
 शोषकनके हम्न जनता हाँ, नँ मन्ना हो डर ।
 शोषक मास्के सुख पैवी हम्न जीवन भर ॥

गोत

“हमार समाज”

-श्रीमती जगमोहनी चौधरी

सेमरहवा, बर्दिया

पुरान समाज छुटैना सुस्किल
 लौव समाज लेकन पढ़ना
 समाज सुधारना, गाउँ गाउँ जाकन
 विकास सिबैना

लौव समाज लेकन पढ़ना
 विकासक उद्योति अजार परना
 सुनो दिवी बाबु, विकासक लहर
 आंग पढ़ैना

सक्कु जान पढ़कन आंग जैना
 नारी जाती काकर पिछरल रना
 दासी बन्क, रातदिन सुखक सद्द
 प्यासी बनकन

बजार मत् भोडका वियर चलती
 गाउँक किसानके खाली बा खस्ती
 प्रैरी खेतम किसान दाडु हर जोत्थ
 भुखल प्याटीम

नारी जाती काकर दासी
 सुखक सद्द काकर प्यसी
 समाज सुधारो नारी जातीन
 हक फे दिलाव ।

: उठो गोचाली :

पतिराम शार

धधवार गा. वि. स. वाई नं० ४
 बैदी, बर्दिया

उठो गोचाली हमन बहुत कुछ कर्ना बा,
 हम्न हमार समाज किहिन और समाज के आघ चिनैना बा,
 याकर साथ-साथम हम्न हमार भाषा किहिन फे आघ बढैना बा,
 उठो गोचाली ॥१॥

उह मार²

हमार बुदु (बुबा) कहँत उठो नाती बिहान हुइल काम कर्ना बा,
 तो मै कहँ नाही बुदु (बुबा) हमार जसिन युवा मनैने शिक्षा
 लेना बहुत जरुरी बा,

शिक्षा लेक हमार समाजम रहल कमी कमजोरी फे हटैना बा,
 उह मार मै कथुँ शिक्षा लेना बहुत जरुरी बा,
 उठो गोचाली ॥२॥

उह मार²

ऊ युवा किहिन देखके महिन रीस लागथ जे आपन भाषा बिल्ला बारथ,
 आपन भाषा बिल्लाके और भाषा बोलना मनैनेके चाकरी,
 चाप्लुती व चन्वाखोरी बन जैथ,

उठो गोचाली ॥३॥

उह मार²

मै कथुँ हम्न हमार भाषा, साहित्य संस्कृति किहिन
 बँचाई कहना मोर तककु गोचालीन से आह्वान बा,
 अन्तमा बिदा लिहतुँ सक्कु गोचालीन से मोर राम-राम बा,
 उठो गोचाली ॥४॥

“अधकचरा प्रेम”

—राम गुलाम चौधरी

मगरागाडी ना. वि. स. बडा नं० १

मगरागाडी, बडिया

दुई जनहनके भेट हुइल आज केवल चार दिन हुइता। एक आपसमा ओई अतना खुशी रहै कि ओइत खुब आपन किहिन पत्ता नाई रहिन। प्रकृतिके देन दुई (२) दिन भेट हुइता, कबो नाई हुइता, कबो-कबो पहिलेक चार दिनके बाद माइ ऐभिन तो ओई अपने अपने मा खुब लज्जाई हस करथै, ऊ बसके सफर एक तो गुरू-गुरू मा भेट हुइल गुरूमा बोलचाल ऊ आंखिके दशारा ओइत के कत्ता मजा मकर रहिन। आज तक ओइतके प्यार अतना आगे मन पह गैल रहै कि ओई अब कबो नाई बिछोड हुइता चाहै। बिछोड फन कैसिक हुइता मन लगहिन जमानिक पहिलेक गुरूघात एकता गुरू-गुरूमा प्यार।

बास्तवमा जोरिया फेन क्या मजासे मिलल रहिन कि दुनु जाने खुब बरिया (सुधुर) बिल्ली, खुब अजान रहै लवरिया प्यारी। प्यारीक अनुहार (चेहरा) देखके तो और मन फेन खुब नाउं लेहै। ओ कहै कि “ऐसिन सुरत तुं कहाँ से पैजो? सच-सच बताव तुं कहाँसे पैजो? और अखिमे स्वागत फेन करै। नाई करही तो फेन कैसिक ओतना सुधुर बिल्लो, उमेर के लगभग १५। २० वर्षके जवान और भुरी (कपार) मतिक बडे लम्बा-लम्बा भुस्ता (केश) ओ गुलाबी ओठ और कंगील गाल (स्यावहस) देह फेन खुब गोहुँवा रंग के रहै। सुधुर मा किहिनो से कम नाई रहै।

ओहोर रवि कहना लौवण्डा फेन किहिनो से कम नाई रहै। ऊ करिया (सावर) मा फेन खुब सुधुर आकषित चेहरा (अनुहार) मोठ भरखर आईतिहिस, देहना बल्लामा लगभग २२-२३ वर्षके रहै उहो देहनामा किहिनो से कम नाई रहै।

लवरीयन घेर का पढैबो सुकुबार हुई जैथै ओ एकतो दोसर घर जैना जात होई भतना खचं कैके पढाव सिखाव दोसर घर चल जैही तहुन, सोचके प्यारीक वाबा कक्षा ८ आठ मसे प्यारी किहिन पढेक छोडा दिहले रहथ।

प्यारी लवरिव आपन भेवक (भाई) सँगै दाडसे सुखैत मामक घर पहुँनी खाए आइल रहे। ओर रवि फेन एस. एल. सी. (S. L. C.) पास कैके घरके स्थिति और बाबक कारणसे क्याम्पस लग (ओर) नाई जवाई हुइथिस और घर गृहस्थी चलैना कोनो नोकरी (जागिर) के चक्करम रहथ। रवि कैलानी से दाड सुखैत आपन संघरियनसे भेटघाट करे जाय, कबो वस्ते घुम फिर करे फेन जाय। सांझके लगभग चार (४) बजेक समय (टाईम) सुखैतके बुलबुले ताल कहना पार्कमा लवरिया प्यारी और लौवण्डा रवि भेट हुइथै। प्यारी गोरा पसारके बैठल रहथ ओ रवि आपन मुरी (कपार) प्यारीक कनिया (बबारा) मा धैले रहथ। प्यारी आपन मुरीक (कपारिक) बडे-बडे भुत्ला से रविक आबा मुह (चेहरा) छापले रहथ। रवि हाँ अब हमरन कै जैना समय (टाईम) हुइगिल, फेन भेट होब कि नाई? का करेक नाई भेट होब। हमरे तुं मै एकदम सच्चा प्यार कैले बाटी और पवित्र प्रेम करना मनैके हमेशा जीत रहथ।

प्यारी हमरे नाई बडिया काम तो नाई कैले हुई। जस्ते कथै कि “लाभ ईज गुड” (Love is Good)। प्यारी फेनो भगवानके रूप हो। प्यारी अब मै ईहांसे जैम तो चिट्ठी पत्र पठैबो कि नाई? कैसिन बात करतो तुं रवि तुं खाली चिट्ठीक बात करतो हाँ एकथो बात याद आइल। तुं उपरे उपरे उरो मै तरेसे हेंरबुं। तुं साथ देबो यो सँमे धीयब ओ सँगे मरब।”

दुनु जाने एक आपसम (चपट) लिपट जैथै। कुछ बेर ऊ दुनु प्यार रूपी दुनियाम हेराई जैथै। कुछ पाछे दुनु जनहनके होस अईथिन। षडी हेंरथै घडीमा सात (७) बजल रहथ। बुल बुले ताल पार्कमा मनै कहना दुई जाने केल रहै। दुनु जाने जडी हेरा हेंर करथै। फेन दुनु जाने हँसथै ओ लाज माने हस करथै। प्यारी मुह छापके हाँसे लागथ। “का करेक हाँसतो प्यारी महिन कैसिन देखती।” तोहार

मुहेंम मने गालेम मोर लिपण्टीक से सब लाल-लाल हुईगैल बा कहती प्यारी आपन रूमाल निकालके पौछ दिहथै। लाज दुनु जनहनके बिछोड हुइना दिन रेहें। रवि आज कैलाली आइत रहै; रवि किहिन पठाए प्यारी बस स्टेशन (पार्क) थन (सम) आइल रहै एक चोट प्यारीक आंखीमरे आंस आईगिल और प्यारी धिरे-धिरे रोईलगनै। हमरन के प्यार हमेशाके लिए अटुट रही। प्यारी चिट्ठी पत्र पठना कबो नाई भुल हो। तोहार यादसे महिन हमेशा सतैती रही। और प्यारी धिरे-धिरे रोइती रविसे हाथ मिलाए गइ नै ऊ अनियम विदा लिहत रहै साइत। एक घची परसे बस स्टार्ट हुईगैल। रवि हद बदावा आपन अँगुठी निकारके प्यारीक हाथिम (अंगुरम) धला दिहथ और रवि बसमा जाके बैठ जैथै ओ बस चले लागथ। प्यारी ओठ नै ठहियाइल हेरती रहै। एक घची परसे बस नाई बिलगाई लागल। दाडमा प्यारी किहिन रविक याद से सताई लागथ। यहेर फेन प्यारीक यादसे रविक हालत खराब हुईतिहिस। रवि कोन्टीम (पठरिम) मुतके (ओदरके) प्यारीक बारेम सौंचत रहै कि हुलकिया (पोष्ट मेन) रवि कहिके गोहराइल, रवि मौका (इयाल) डगर हेरल हुलकिया चिट्ठी (सन्देश) देहल। रवि हदबदावा चिट्ठीक उपर हेरथै। नाई बुझना मेरके उधरमा "प्यारी" कहिके लिखल रहय। उ हदबदावा चिट्ठी पढे लगथै।

“प्रिय रवि अटुट प्यार !!”

रवि हमरनके दुनियाँता तुफान आईगिल।

हमरनके पवित प्यार, माया सब धोखा हुई लागल रवि मोर भोज यीहें फाजुन महिनक एक १ गते हुईना बा रवि मै बाबक कारणसे मजबुर बाटुं। मै तुहाँर ओ आपन बारेम सब बात बाबा किहिन वतैनु लेकिम बाबा नाई मानल। रवि अगर (यदि) तु महिनसे सच्चा प्यार कर थुइबो तो यिहें फागुनके एक १ गते सेपहिले आके महिन ईहासे लंजाव मै तुहाँर सहारासा बैठम।

उहे तोहाँर “प्यारी”

जब रवि चिट्ठी पढल तो रविक देह (शरीर) मा तुफान आईलहस लगलिस, रवि तुरून्ते (हालहाल) झोलामा कपडा सामान तयार कैके एक हाथिम झोला (ब्याग) लैके बससे कोइलपुर आईगिल दोसर दिन दाड पुगगिल, दिनके खुब दुपहर रेहे। लगभग १२, १

बजत रेहें। रवि प्यारिक घर आइगिल रेहे। प्यारीक घरेम भोजक कारणसे तमाम पहुना-पछार रहै ब खुब चहल पहल रेहे। ऊ चहल-पहल जब रवि देखल तों इहिन बडा रिस लगलिस उ दोतर बात सौंचे लागल।

फेन से एक घची रहिके उ एको मनैया से पुछल-प्यारी बाटै कि नाई, कहाँ बाटै? ऊ मनैया रवि किहिन खुब निहार से हेरल गोरा लैके मुरीतक लेकिन बता देहल कि बाबई निका घरमा कोन्टीम। रवि किहिन का पता कि मै जिहिन से पुछनु ऊ प्यारीक बाबा होबै। रवि हालहाँल घरेम पेनै फेर कोन्टीम हेरनै लेकिन कोन्टीम कोई नाई रेहे। रवि यहेर-ओहर हेरे लगनै लेकिन प्यारी नाई बिलगनै। सिरिक पहुना-पाछर बिलगै। एक घची परसे हल्ला हुई लागल कि दुलही लवरीया “प्यारी” कोन्टीम नाई होबै। वातावरण सुनसान (उदास) हुईगिल। लगभग एक दुई घण्टा हु गिल लेकिन प्यारिक पत्ता नाई लागथो। अचानक एकथो बच्चा कहे लागल कि माया! माया!! प्यारी दिदी बनवा लग (और) जाइत रेहें। जौन प्यारीक घरेक पश्चिम मा बनवा परे।

जब अतना ऊ बच्चा कहल तो सकु जाने ओहरी दौरे लगनै। जब बावामा पुनै तो सकु जनहनके जोड ढक से कँक रहिगिल। प्यारी आपन घँचम अधरान (ओखी) बाँधके एकथो रूखवम झुलत [तगल] रेहे। ओहर रवि पागल हस हुईगिल रेहे। उ सब लंगा अंधार देखे लागल। रवि दोसी जत्र बनत्रम पुगल तो ओकर नजर एक कागजमा परल जौन प्यारीक हाथिम रेहें। उ हालहाल पढे लागल।

“रवि” आई लव यू!!

मै तुहिन से सच्चा प्यार कैले रहूँ। लेकिन ईहे प्यार हमार दुनु जनहनके बिच एक लौहके जंजीर बनके रहिगिल।

रवि मोर अन्तिम कहना ईहें बा कि तु महिन हमेशाके लिए भुल जैहो और तु आपन जीन्दगीम फूला बरसैहो खुशी से भरहो। आव महिनसे कबो मिलना [भेटना] प्रयास [कोशीस] नाई करहो। अगर प्रयास करबो तबो पर तु महिन नाई भेटैबो। मै आव तुहिनसे कबो नाई भेट हुई सेकम का करेक कि मै एकदम लम्बा सफरमा

जाइतु, रवि अगर तु महिनसे सच्चा प्यार कँले रहो कहले से महिन से जो गल्ती हुई उ मैं तूहिन से माफी माँगतु, हुई सेकीती माफी कँ देहो ।

उहे तुहार दुःखी "प्यारी"

चिट्ठी [सन्देश] पढके सेकके रवि एक चोट बहुत जोर से चिल्लाइल- 'प्यारी' कहिके मैं आईसिन प्यारी, हेरो ना मैं रवि तोहार रवि मैं तुहिन लेहे आइल बातुँ एक चोट आँखी खोलो ना प्यारी हेरो तोहार पागे के आइल बा तोहार प्यार तोहार सहारा तु आईसिन का कँ धरलो प्यारी मोर पर भरोसा [विश्वास] नाई रेहें तु मोर प्यार किहिन खुब बढ़िया तोफा देहलो कहती रवि रोई लागल हु... .. हु... .. हु... .. प्यारी हु हु... .. हु... .. हु... .. हा S S प्यार से महिन से खुब बढ़िया दोस्ती निभइलो S S S S S S महिन अकेली का करेक छोर देहलो S S S S... .. प्यारी लेकिन चिन्ता नाई करहो महुँ आइतुँ जहाँ बाटो उहाँ आव मैं केकर सहारा से जीउँ । का मैं अकेली जिन्दगी बिताउँ ? तु महिन माफ कँ देहो कहती- रवि प्यारी किहिन आपन दुने हाथ से खुब जोर से पकर के समोध लेहल और खुब रोइल, कुछ घची रहिके आवाज [बोल] फोन कम हुईती गैलिस और रोइत-रोइत आँखी फोन लाल-बाल होके सुबा गैलिस । एक घचीमा आवाज [बोल] फोन बन्द हुई गैलिस । तब मर्नके भीरमसे दुई चार जाने आगे बढके प्यारी और रवि किहिन अलग कराई खोजनै । लेकिन अलग नाइ होके दुनु जाने एक लंग धरक [लरक] गैने ऊ दुनु यी दुनिया किहिन हमेशाके लिए छोडके चल गैने । पहिले चाहि दुनु जाने ज्वानिक प्यारमा हेँराइल रहें; लेकिन आव दुनु जाने हमेशा के लिए हेराई गैने ।

अस्तु !

मुक्क

१६ थो मुक्कतक

-कृष्ण राज चौधरी 'सर्वहारी'

देउखुरी, छुटकी घुम्ना

चैलाही गा. वि. स. - ६, दाङ

'हम्मे थार'

हम्मे ते हुइ थारू
रोज पिथी दारू,
इहे हो हमार
सबसे भारी शिगार ।

।१।

'मोर जनेवा'

मोर जनेवा महां मज्जा से बतु गईथ,
बात ते नै बुझ जाइथ, डेबर भर पुतपुतुवाईथ
तिना नै भेटाके पिठा फटतुवाईथ ।

।२।

'मोर छावा'

बहल मोर छावा,
नान् दे बाबा झुलुवा लावा,
मैं लुँ पड्लावा, अभिन ब्याज ओ सावां,
कहाँ से नानु झुलुवा लावा ?

।३।

'मोर बाबा'

निस्ते मे ते कहथ छाबा रे !
पिपथ ते सारक गद्हा,
लेकिन अपनेहे बा महां मद्हा ।

।४।

'मोर गुरू'

दाई-बाबा करथां, लडकनके आश,

मोर गुरु कथां, दारु ओ शिकार खवाऊ,
तुहिन, गजा से कै देम् पास,
गुरुक्, बात सुन्के मोर उठथ हाँस ।

१५।

‘मोर दादु’

मोर दादु बावै महाँ बवाली,
तब्बे ते बाबा बनैले तिस, झराली,
काम ते मज्जे से करथ,
लेकिन बतुवाईथ महाँ फटाही ।

‘आजकलिक लवडिन’

१६।

उमेरमें चहा जतना भारी रहित,
आपन हे मन्थाँ छुट,
गाँउ शहरमें चहा जतना बतुबाईत,
छोट रथिन, मुटु
केउ साली कहिन, चहा ना कहिन,
सबहुन कथाँ भातु ।

१७।

‘आजकलिक लडका’

पढ-ओढक कहाँ गैलिन,
मार-मार खइही मचकी,
काम करे पठइहन् ते,
खेले जँही घुचची ।

कापी लेहक पैसा मंगही हेर दरही फिलिम,
फोस बुझैना पैसा फेन दुई दिनमें चिलिम ।

‘मोर कमैया’

१८।

मोर कमैया पेहथ लगौटी,
घर बिल्वा मारल ढारके जग्गा बरोटी,

[१९]

आपन दुःख बतुवाईथ खोब परटैटी,
आजकल ते मच्छी खाईथ, खोब मस्टैटी,
तब्बे ते पकडले बतिस मनके छेरौटी ।

१९।

‘मोर भईवा’

पश्चिमी सभ्यतामें रंगमगइलक् मोर भइवा
बावै महाँ छैलाहा,
झुलुवा पँट महाँ घोछलार घालथ,
ऊ फेन रथिस, मैलाहा
कहथ - भोज उही से करम,
जे आपन छाई हे दी, धैर वैजहा ।

‘मोर बुडु’

१९०।

दुई वरस पहिले, मोर बुडु रहे ककन्दार,
ईही से पहिले, रहे खरिवार,
भुत्ता ते पाक्, रखिलस्,
लेकिन, लगाईथ तेल मँहकनीदार ।

१११।

‘मोर बुदी’

मोर बुदी बावै महाँ सूम्,
थन्चे बातेमें रहथ गाम-गुम्,
नाँउ ते ौली बतिस,
लेकिन, बावै महाँ ठूल ।

‘मोर बहिनियाँ’

११२।

मोर बहिनियाँ ते महाँ करिया बा,
लेकिन नाउँ बतिस, गोहरकी
भुत्ता ते थन्चे बतिस,
लेकिन खोजथ वडा भारी झौंटी,

[१०]

अभिन् ते छोटे बा तौर पेहक तन रहथ थोती,
बोल्ना ते मज्जे से बोल्थ,
लेकिन सक्कु जने कथिस् ली।

११३।

‘मोर भौजी’

मोर भौजी वती महाँ खर-खर
लेकिन नैथी लरखर-लरखर
छोटेमें पढ़ना नै कौली तरखर
छाई-छावा हु रखिलन,
ककहरा पढ़थी आब् भरखर।

‘मोर छाई’

११४।

दुई बरसके मोर छाईकू नाउँ बतिस सेती
जंघिया कूल नै घालथ, लेकिन बाँधथ पेटी
गालेमें बतिस् तिल्हा, पुछथ बाबा यी करिया कहिया मेटी ?

११५।

‘मैं’

मोर नाउँ ते हो ‘सर्वहारी’
दुई कथा जग्गा बा,
लेकिन लागथ महीं बड्वारी
संघरियन् कथाँ चोलो जाई जाँड पिए,
आ राखल देवारी
पाछे से जहानके आवाज आईथ,
कहाँ हुईता हजुरके सबारी।

११६।



“नेपाली महिला असिक बाँचत”

—भगवती चौधरी

बर्दिया

नेपाली महिला हुँक साहँ नै दयनीय जीवन बितैती बात। सामान्य अक्षर चिन्ना मौका समेत नै पैल इहत। ९३ लाख महिला हुँक मध्ये ८५ लाख त निरक्षर (पढ लिख नै जन्ना) सब किसिमसे शोषित व पिडित बात। भागके भरम बँचती रहलक हुँक अतरा ज्यादा श्रम कैक अतरा कम प्रतिष्ठा पाइल रहइया हुँक। छाई जन्मल कैक विन्न हइना परम्परा हमार समाजमा आमिहत विद्यमान बा। यी नेपाल देश गाउँ-गाउँले भरल बा ओ आज सम्म फेन हमार देशके कतिपय गाउँमा, बिल्लामा मोटर पुग स्याकल नै हो। यीह वारण नौलो (लौव) परिवर्तन ओ चेतना के लहर गाउँमा थोतरा बहिया से पुग नै स्याकल हो। शोषण गीबी ओ अशिक्षा केल हमार नेपाली पेवा हुइल बा, उद्योग व्यवसायके विकास नै हई स्याकल हो। ज्याकर कारण लगभग ९४% (प्रतिशत) जनता कृषिमा संलग्न बात ओ नगन्य (थोर थोर) मनै मात्र उद्योग व्यापार कर्थ शिक्षित मनै बहुतसे बेरोजगार बाट ओ महिला बेरोजगार संख्या बहुत बात। दुःख कष्ट ओ मेहनत कैके अनेतौ हण्डर खाके पढल जान हन लगानी कर्ना डगर नै हो। कुछ कर्ना शिप, जांगर और टौमला होक फेन देण हन यी सबके आवश्यकता हुइती हुइती फेन यी व्यक्ति काम नै पाके बेरोजगार स्थितिमा बाट का करबी देशके सब थोत ओ माधन मुट्टीभर शोषक हुँकनके कब्जामा बात। उत्पादन क्षेत्रमा लगैना सम्पत्ति विदेशी बैंकमा जम्मा करल बा। बहुत से नेपाली जनता हुँक अर्थ बेरोजगार के स्थितिमा बाट ओ बहुतसे नेपाली ओस्तहँ जसिन श्रम कर्ना बाध्य बात ओ प्याट भर खँना फे धौ-धौ बात। उह ओरसे नेपालके शहरमा भारतके छोट-बर शहरमा भान्से (भात पकुईया) सुसारे, कुल्ली, शिपाही ओ भाँडा मिस्ना काम कैके बैठल नेपाली हुँक बहुत बात। अशिक्षाके कारण से महिला के चेतना साहँ सिमित (थोर) बा। महिला हुँक यी सब काकर

हुइता बुझ समेत नै सेवन हुइत। वस केवल भाग्यहन दोष देक चुप चाप हौक बैठ देथ। ओ बघ्न हन धिक्कार देथ। उह औसै त यी देश असिक पिछरल बा संसारके सब से गरीब देशम एकथो देश नेपाल फेन हो। अशिक्षा ओ गरीबीके कारणसे नेपाली महिलाके संसार साहै सिमित बा। साँझ बिहान के छाक टर्ना, आपन लाला-बालाके भुवाईल पेट भर्ना समस्या मा अलझल नेपाली महिला हुकनके जान ओ चाहना फेन बहुत थोर (सिमित) बा। उह उपर फे छोटी उमेर मा हुइता भोज (विवाह) ओ बाल बच्चा ओ पारिवारिक बोझ से हुइलक आसै यीहँर-उहँर कर्ना ओ सोच्ना फुसंद सम्म फेन नेपाली महिला हुकन नै हो। यी समस्या से मुक्त रहल जिन्दगी के कौनो स्वच्छ ओ सुन्दर उत्पादक स्वरूप फेन हुइता कैक कलना सम्म फेन कर सेवना आजके महिलाके स्थिति नै हुइत।

ग्रामीण परिवार के कतिपय पुरुष हुँक लाहुर गैल रथ ओ यी लाहुरे हुकनके श्रीमती (जन्नी) हुकनके जीवन और दुःख दायी रथिन। हीकनके दान-दान (थोरथार) रहल सम्पत्ति साहु खँथिन। ऋण बढ़ती जाइथ, समस्या उपर समस्या थप जाइथ, बाल बच्चा नङ्गा-भोका हुइथ ओ यी महिला हुकन गाउँके जाली फटाहा से आपन सतित्व रक्षा कर्ना फेन ओवहे कठिन हुइथ। आज सम्म डाकटरी दवाई कलक नै देखा नेपाली महिला हुकन फेन बहुत बाट। अकालमा मृत्यु के खोस्टीम पर्ना बाध्यता बा। दवाई खाए नै पाके आपन छावा-छाई हुकन बचना आधार नै पाके आज घयाघय खतम हुइलक चुप-चाप हेर्ना बाध्य बातिन नेपाली महिला हुकन। जसिन सुकै पिडा ओ वेदना हुइलसे फे गुनासो कर्ना भर पर्ना, कौनो न्यायिक संस्था नै हुइत हुकनके लाग। बलगर कमजोर हन ज्या कर्लसे फे हुइथ। कानून फे ओकहे पेवा हुइती बा।

नेपाली समाजम महिला हुकन सम्पत्ति जतिन सम्झथ ओ परिवारमा फेन महिला के सेवा हन अथाह त्याग ओ बलिदान हन कौनो महत्व नै देजाइथ। मानौ महिला कलक शोषणके भागीदार हुइत। मैया करल जसिन परिवारके पुरुष हुँक महिला हुकन सही अर्थमा दाशीके दर्जामा मात्र (केल) अरल बाट। पति (थरुवा) ओस्तेहँ घुम्ना

ओ छाडा होके नेगल से फे परिश्रमी ओ घरके सम्पूर्ण कार्य कर्ना पत्नी पतिके नियन्त्रणमा बैठ पथिन।

महिला हुँक तन मन सब चिजके सम्पूर्ण रूपसे सिङ्गै जीवन सेवामा समर्पण कर्ष पतिहन परमेश्वर के दर्जामा घर पत्नी बाधता लादल बा नेपाली महिला उपर तर थी सम्पूर्ण और सेवाके नियम कौनो हालतमा फेन माया के प्रतिरूप नै हो। महिलाहन आदर ओ स्नेह (माना) कर्ना वर्गके देन नै हो। बली समाजके सामन्ती हुँकनके बनाईल पुरान जाली नाटक मात्र हो। थी बात बुझना महिला हुँक बुझ पर्ना नितान्त आहश्यक बा। दाई (आना मर्नै हुइल महिलाके भावना ओ हृदय, सोचाईके परिधि ओ कार्य क्षेत्र व्यापक एवं विशाल बा। सहनशीलता ओ ममता के आधार फे महिलामे बा। यीह का पक्षे नेपालके अत्रार बिहानी फेन महिलाके छानी भितरसे जगना जरूरी बा। हरेक बढीम चाँदीके कुछ अंश रहथ। रात जसिन सुकै आधार ओ डर लगना जसिन हुइलसे फेन बिहान ओ बिहानके किरणसे गाँसल रहथ। महिला हुँक असह्य पिडा सहल बात, अमा वी। अन्यायके चकिया (त्राँतो) मा पिल्सल बात। गाउँ घरके महिला केल (मात्र) नै होके शहर बजारके महिला हुँक समेत शोषित बात। कौनो कार्यलय मा हुइल रहुवा ओ पुरस्कार के क्रममा महिला हुकन मौका नै देके पुरुष हुकन उह हिटलरी तानाशाही जगजगी चलैती आइल बात। महिला हुँक अनगिन्ती विपरीत (उल्टा) परिस्थिति के साझन बाँच परल वाटीन। तर यी परिस्थिति दद नै रहुईया हो, यी बा सत्य हो।

महिला हुँक क्रमश सचेत हुइती बात। महिलाके बेदना असह्य हो स्याकल बा। चेतनशील मर्नै के लाग अन्याय दहना साहँ पिडाजनक रहथ। थी पिडा महिला हुँक पाइला-पाइला मा भोक्ती आइल बात तर आब न्याय खोजती बात। अघनहँ जागरूक होके आपन सुखके संसार अघनहँ बनुईया बात। फाकर न्याय के लाग हक, हित ओ अधिकार के लाग संगठन गठन हुइती बात। संगठीत होके संघर्ष कर्ना क्रम शुरू हुइती बा। यी महिलाके लाग बिहानी प्रभाव जसिन आशाके बात हो। आपन आधारमा अपनेह मुस्कान उब्जउईया बात हो।

हुइनात आजके जनताके सरकार महिलाके अधिकार ओ हित संरक्षण मा पुरा-पुरा ध्यान दिह पनी हो। तर फेन आस्ता ओ विश्वास करल सरकार जिम्मेवार ओ व्यक्तिके दामु बलत्कार के शिकार हुइलक महिला हुक दुःख बोकके जउईया महिला हुक फेशन लगाके पुरुष हुक लोभ्याइथ ओ बलत्कार के शिकार हुइथ कना आरोप लगैथ। उह कारण महिला हुक सामान्य होके न तेङ्गके संगठित होके न्याय परल। नम्मा नम्मा नङ्ग (नु) पालके बलात्कारी हुकन चिठ परल ओ मिर्चा (पिपर) के धुर बलात्कारी हुकनके आँखिम छिट परल कना भुझाव दिह खोजलक हो। यी सब जिम्मेवारी पन्छइना कौनो दोसर नीति हुई त? का असिन मनो वृत्तिले वास्तविक रूपमा केको फेन भलो हुई सेकी? का असिन कुकृत्य हन आमूल रूपमा नष्ट कर नै सेक जाई? असिक बाँचत नेपाली महिला हुक। हुकनके उपर पिडा उपर पिडा देना काम कर्थ जिम्मेवार निकाय के व्यक्ति हुक। आब फे महिला अपनेह जागृत (जगना) नै हुइता त?

अस्तु !



लपेटा गीत

-धन बहादुर चौधरी

महम्मदपुर गा. वि. स. वाई नं० ६

दूधा, बर्दिया

सुन लेब भाई सुनलेब बन्धु मोर एक पुकार सुनो,
 ऐसा काम करो जीवनमा जेहमा हो कल्याण सुनो।
 हाथ जोरको विन्ती करतुं चतुर ओ अज्ञान सुनो,
 जगके लिला बहुत बा लेकिन जौन कहतुं तौन सुनो।
 सत्ययुग, द्वापर, त्रेताके बितल कल युगके बयान सुनो,
 सत्ययुग द्वापर त्रेताके बीतल आज बनल पुराण सुनो।
 ऐसे ही कलयुगके लिला आगे बनी पुराण सुनो,
 सुखके बात कभी नसुनो जब सुनो परेशान सुनो।
 आजके मानव धी जीवमा कैसे करथ व्यवहार सुनो,
 कैसेक बीयथ समय सभीके कैसे जीवन गुजार सुनो।
 खेती पाती काम धाम छोडके करथें सब व्यापार सुनो,
 एक मनपर कोइन चलै सबके आपन बिचार सुनो।
 धर्मके लीला कशी न देखओ हरदम चोर चपार सुनो,
 दिल जोडके बात न सुनो मार करेक तयार सुनो।
 भेंट मिलनके बात न सुनबो हरदम मार कटार सुनो,
 मुहसे भारी थार बनैथें मनमा ताक तिवान सुनो।
 चोरी कर्ना झुंठ बोल्ना यही हो सबके ध्यान सुनो,
 धर्म के नामपर पाँव न दारै कलयुगके बरदान सुनो।

“वीरताके निशान देखा देव”

- के. आर. टी.

कर्मला, बर्दिया

उठो हमार बाबु भैया गाउँ घरके किसान कर्मैया
एकथो काम कर पर्ना बा,
खुन चुसुइया शोषकन से मानव रूपी दानवन से
एक दिन त लड पर्ना बा,

रात दिन मर-मर कर देना किसान
वक्र घरम नै रथा कबहु धान ब पिसान
गरीब धनी मिल्के बनल रहथा संसार
घान लेक भरल रथिस जिमदरवक धनसार
उह वसे बुझक लाग, शोषकनसे झुकक लाग
एकता हमन कर पर्ना बा,
खुन चुसैया

भाँरा मिस छोडक उठी गाउँके दिदी बहिनी
डरवा करछुल लेक घोरो सब बनो संगिनी
के हो हमार मित्र शक्ति वही हन चिन्ही
ज्याकर हन्न भाँरा मिस्थी उह हो वैगुनी
एक हाँथम डमरु लेक और हाथम करछुल लेक
डरुवा करछुल झटक पर्ना बा,
खुन चुसैया

उठो गरीब किसान कर्मैया हाथम फरवा लेक
हुल बांधक जाइबेर हमन किउ नै सेकी छेक

[३७]

खाई नै पाक मुटी बाटी मुना नै हो डर
पाछ बैठक काम नै चल्ती आबत आग बढी
हर बनैना शीप देखक, फरवा कोर्ना बल देखाक

शोषक चिन्हक गाउँसे निकार देव
खुन चुसुइया शोषकह, मानव रूपी दानवह
वीरताके निशान देखा देव ।

—:सपना:—

-कृष्ण राज चौधरी 'सर्वहारी'

देउखुरी छुट्की घुम्ना, दाङ

सपना ते मोर बडुवार रहे,
लेकिन नै बने सेक्लु कुछ ।
दुई अक्षर पढे नै सिक्के,
पाइतु खोब मनके दुःख ॥
।१।

बाबा कहे - पढे जा छावा
बन्बे डाक्टर - बकिल ।
बाबक बात सुन्के
मही लागे झोक किल ॥

भईवा पढल बन राखल सैनिकके कप्तान
लडे जाईथ लेवनान साईवेरिया ।
मै जुन कुलुवा कँटी लथुं,
बनल वतुं झलारिन्के अधरिया ॥

।२।

साछा पालनके पड्ल वा रीण,
धैले वतुं बैकमें जग्गा धरौटी ।

[३८]

पिठ निकरल झुलुवा घन्थुं

तरे जुन लगौटी ॥

१४।

सपना ते मोर बडुवार रहे,
के ने का नै बन्ना ।
अग्ने मुराधी ऐसिन कर्मना कैनुं,
खैथुं रोटिदन मकैक भात व सन्ना ॥

१५।

कब्बु बन्थुं सपनामे,
मैं बडुवार मन्त्री ।
डुले जैथुं सपनामे
मैं फरेन कन्ट्री ॥

१६।

लेकिन सपना - सपना हो,
विपना नै हुइथ ।
आपन अभागी कर्म देखके
मोर मन एकदन रोइथ ॥

१७।

सपना ते मोर बडुवार रहे,
लेकिन नै बने सेक्लुं कुछ ।
दुई अक्षर पडे नै सिखके,
पाइतुं खोब मनके दुःख ॥

१८।

थारु जातिके परिचय

-बेचु लाल चौधरी

सप्तरी

थारु जाती नेपालके एक आदिवासी जाती चियै ।
यी जाति नेपालके तराईमे पूरब मेची से पछिम महाकालीतक आवाद
करने छै । ततबे नै विभिन्न भित्री मधेश आ खोज सबमे थारुके
बसोवास छै । भारतके खिरी, भिखनाठोरी, बहराइच, गोडा, नैनिताल
व तिमकीनगर, चम्पारन, चम्पत कुछेक मात्रामे राजस्थान, उडिसा तथा
अरुणाचल प्रदेशमे सेहो बसोवास करने छै । यी जाती दोसर छट्टु
जाति द्वारा शोषित हेतोमे दोसर जातिके वजिया कहके आपन चौधरानी
हस्ती कायम राखने छै ।

थारु जाति खामकैरके पाइनके आसपास अर्थात्
लदीलना, ताल-गोखैरके कोनारमे बसोवास करैछै । यी एकटा जातीय
गुण चियै । थारुके घर दुवार ढुङ्गा चिकनके निपल पोछल आ चूह-
चूह रहैछै । घरके भित्ता सबमे कोबर माबरके विभिन्न बुट्टा बनाइले
यी जाति बडा सिपालु हैछै । थारुके बस्ती घनगर आ संगठित तरिकासे
बसल रहेछै । थारु जातिके वर्ण पिरसियाम आइख कारी, नाक थेपच
केश सोझ, मलेरियाके कारण मुखडामे खोधर दाग, धर (टाङसे मुडीतक)
५ फीट से ६ फीट नाम्ह (खडा) हठ्ठा कटठा देह, सकत मौस
खान्हल शरिर रहेछै । यी जाति मुशुन प्रकृतिके हैछै, कम आ धिरेधिरे
बोलैले रूबावैछै । माछ मारनाई, नाचगान करनाई, खलकूद वा शारिरिक
अभ्यास करनाई थारु जातिके सौकिन गुण चियै । मध्यम वर्ग थारुसब
दोसर पेसाके अपेक्षा खेतीपाती करनाई ज्यादा पसन्द करैछै ।

थारु नेपालके आदिम जाति भेलाके कारण येकर
आदिम भेष भूषा छै, जे अखैनियो आन जातिके पहिरनसे नै मिलैछै ।
जेना पूरबके थारुमे पुरुषके धोती, जमा, महिलाके लहंगामे पुच्छर आ
चोलिया । मध्यके थारुमे-पुरुषके धोती, जमा, महिलाके मारकीन सारी
आ चोलिया । पछिमके थारुमे-पुरुषके धोती (लगौटी) जमा महिलाके

गोनियाँ आ चोलिया आ सबसे पछिमके थारुमे पुरुषके धोती (लंगोटी) जमा महिलाके घाघर आ चोलिया पहिरनके चलन कायम छै। राना-थारुके महिला सबके पहिरन घघरिया, अंगिया चियै।

पूरबसे पछिमतक, नेपालसे भारततक थारु जातिके बोलीके लचकमे दूरी मुताविक अन्तर छै। महज भाषा आ शब्दमे अन्तर नै छै। यी जाति झूठ बोबैले हिचकिच मानै छै, यी एकटा उच्च बैचारिक गुण चियै। थारु जाति आदिम कालसे आपन भाषा बोलैत येछछै।

नेपाल भारतके विभिन्न ठामके थारु जातिके खान-पानमे मेल छै। जेना- भात, दाइल, साग, तरकारी, माछ, मौस, घोङ्गही, सितुवा, काँखोर, कौछ यी सब भोजनके सामग्रीमे मिलान छै। तहिना- जाँड, दारु, मतवाली सामग्रीमे मिलान छै।

थारु जातिके विभिन्न परिचय मुताविक आपन संस्कृति छै। जेना- झुमरा नाच, झुमरा नाच, सोरैठ नाच, मृतकाली नाच, मान (कृष्णलिला) माछी दंगली नाच, लाठी नाच, मेजुर नाच, देवकीलिला, सखिया नाच, छोकरा नाच, महोतिया नाच, खोनहा नाच, औरी औरी बहोतनाच छै। विभिन्न महिनामे विभिन्न मासके गीत प्रचलित छै। बैशाखमे वसन्त, जेठमे विरहैन, अखारमे धरपानी, साउन भादोमे बरमासा, आसिनमे झुमरी, कातिकमे चोखेली, अगहनमे चाँचैर, पुष माघमे पराती, फागुनमे फगुवा आ चैतमे चैतावारी गीत गाबैछै। पावैन तिहारमे जुरशितल (सिरुवा), बुद्ध जयन्ती, नागपचमी, चौठचाँन जनमअष्टमी, जितिया, दशैं, सुकराती, तिलासंकराइत, फगुवा यी सब मनाइछै। गव पावैनके दिन धान रोपनी शुरू हैछै, कदपखार पावैनके दिन रोपनी के अन्त हैछै। नेमान पावैनके दिन नया अन्न (धान) कटैके शुरूवात करैछै, खेतउतार पावैनमे कटनी अन्न करैछै।

सकल देखके, एक शब्द बोल सुइनके सहजे थारु जातिके परिचय मिलसकैछै।

-०-

[४१]

“कन्है”

कृष्ण कुमार चौधरी

धधवार गा. वि. स.-९ सेमरहवा, बर्दिया

प्रत्येक जात जातिनके आपन-आपन भाषा रहथ। भाषा कहना विभिन्न पक्षमा विभक्त वा अर्थात् भाषा कना एक शरीर हो, वाकर शरीरम विभिन्न अंग पाजाईथ। जस्त- कन्है, कहावत, बत्कोही इत्यादी। प्रत्येक पक्षके विकास करके पर्ना अवस्था आइल बा। उहमार हज्र स्याकल सम्म आपन भाषा विकासके लाग आग बढ पर्ना बा।

यीहाँ थारु जातिनमन प्रचलीत कुछ कन्है प्रस्तुत कर्ना जमर्को के गैलबा कुछ गल्ती हुई फे स्याकथ। यी स्वार पहिलो लेखन हो। धेर नै सेकल से फे उत्रा कन्है रचना कके आपन भाषाके धरमम कुछ ईट धप्ना कोशिस करतुं।

- १- आंग भर आँख-आँख द्याख नै सेक्ना,
कहोरे जाई लग्लसे बुकु नै छोरना का हो ?
- २- गर्मी महिनम खुब चुमथु तर जार महिम काम नै लग्ना जसिन बगैथ कोन्वमन का हो ?
- ३- इयाल द्वाका कुछ नै हो एक क्वगठम घरक, उ घरक आवाजसे आसपास सक्कु चेतार करथ का हो ?
- ४- भुईयक उपपर बैठता रूप वाकर चौंदावा, खास कक गरीबनके सबसे मजा संघीया का हो ?
- ५- जत्रा लात लग्लसे फे उ केको डर नै डरथा, लात लगुईया हन हैरान लग्लसे फे ऐया बा नै कथा का हो ?
- ६- गाल हेंबी बडे टुनटुन सलक्क परल जीउ, वाकर उपपर मुन्टा धौक मौज खुब लैलिउ का हो ?
- ७- बोलाईबेर नै बोल्ना अपने केलिक ब्वालथ, बोल्ती जाईबेर मजा मजा बात ब्वालथ का हो ?
- ८- कहोसे नेगती, घुमती, खसती, उ अइथा, मनैनके मजा-मजा खबर बोक्क नन्था का हो ?
- ९- भुन भुन कति बोल्था नचती खेलती नेगथा, मेहनत करेक पर्ना शिक्षा हमन देथा हो ?

उत्तर- १) गौजा २) व्याना ३) मन्द्रा ४) गोन्द्री ५) भकुण्डो
६) सीरहन (तकिया) ७) रेडियो ८) चिट्टी ९) मधरी

[४२]

‘मैं का लिखु’

- कृष्ण प्रसाद चौधरी

बदिया, बेलभार

ऐना शनिवारके गोचालीके साहित्य गोष्ठी बा, कोनो लेख, कविता, गीत वतकोही लिखना के तयारी नै हो। साहित्य गोष्ठीम आपन मनके भावना, मनके देथा, मनके बिचार लिखके सुनाई पनी जरूरी बा। तर अन्तिम दिन शनिवार ऐना त अभिन दूर बा। करीब एक हप्ता। ऐना शुक्रवार सम्मके लिख दरने वाटुं का हटबड बाजे। दुई चार लाइन लिखके औपचारिकता निभइना त बा! औपचारिकता नाही महीन दिन-रात काम के खाए नै पना एक आंगम लुगा लगाए नै पवीया जग्गा विहिन सुकुम्बासी तथा काम व माम बेरोजगारी मजदूरी हुकन। अत्याचारी दानव गरीबके खुन खर्वया रक्त पिपासु हुकन से छुटकारा पाइक लाग उठो जागो मोर गरीब किसान मजदुर हुक अत्याचार सहके नै बंठी कहही परी। आज आइतबार काल सोमवार के पाछ मंगलवार कति लग आंगल शुक्रवार, हो गल काल शनिवार। कत्ता हाली ऐलक हो न्यागबेरिक पैला गन अस। काम से फेन फुर्सद नै हो फुर्सद हुइल से फेन लिखना पढना जांगर नै लागथ। क्याकर विषयम लिखना हो। कुठ अर्थ-पर्य नै हो। कुठ चिजके विषयम लिखना चिन्तन, मननके वास्ता नै हो। कब्भु कलमके टुप्पा कागजके पानाम धर्ल से पो लिख जाय। हमार थारु भाषाम उखान बा बन जाय ना बाघ धरखाए, ना एक दिन कलम पत्रो ना कापी, बन खोजवो साहित्यकार।

आज शुक्रवारके संझ्या भरम एक ना एक चिजके विषयम त लिखही परल काहुं। मिझनी-उझनी खाए परल। कलम व कापी लेके एकान्त ठाउँम जाए परल आज जसिक फेन फुर्सद मिलैही परल। भला कब मिली काम से फुर्सद? खेती पातीम केल आधारित रना, काम से कब्भु फुर्सद नै पना जग्गा जमिन प्रशस्त रलसे फेन और घर अथवा जमिंदारके घर खेती करही परल सर्वहारा मन फेन किसान बनही परल। आखिर खेतीपाती से अन्न उवजुइया किसान जमिनदार साहु महाजनके भकारी भरुइया फेन किसान, सेलर मीलसे टेलर मील

भरुइया किसान। तर किसानके घरम रात दिनके कमाही मजा (ब्रह्या) खैना नै हो।

एक आंग छोपना (ढकना) लुगा नैहो, मजा (ब्रह्या) खैना, थुन्यार लभैना त सपनाके बात हो। आपन जीउके स्वाथ्य, शिक्षा, सुरक्षा, रोजगारके ग्यारेन्टी नै हो। आधारात मुर्गी बोली कामके घडी हो। भला कब हुई लिखना पढनाके फुर्सद। आव कलम पत्र परल कापीके पानाम रेखा त खीचही परल। आखिर मैं का लिखु? हमार थारु भाषाम महाकाव्य, गीती कथा, कथा, लेख, समय, मौसम अनुसार के गीत जस्त- बडकीमार, मागर, धुमरू घमार. बनगीत्वा, सींगारु डफक गीत, पचरा, राम जलम, कृष्ण जलम आदि गीत, आधुनिक ग्रन्थ मिलठ। हमन भाषा तथा साहित्य सुधार करी पनी बा। वर्गीय शोषण अन्याय अत्याचार थिचोमिचो, जाली फठहनके विरोधके प्रचार करही परल। आखिर मैं का लिखु। मागर, बडकीमार, नच नचवा, धुमरू, सजना, कथा, वतकोही जौन लिखलसे फेन मही प्रगति ल लिखही परल। काकर कि जमाना अनुसारके गीती स्थिति बोली चलन रीती, भाँट, समय अनुसारके गीत बास। आजकालके वैज्ञानिक युगम अन्ध विश्वासके कुरीती चालचलन रीती रिवाज, भेष-भुषाह फेर बदल के लौव प्रगतिशील समाजके सृजना कर पनी महशुस करही परी। मानव अधिकारके मुख्य चुकैही पनी बा। लौव समाजके सृजना करक लाग मानव अधिकार लिहक लाग त्याग तपस्या बीदान दिहही पनी बा। आज प्रजातन्त्र आईल बा यीह प्रजातन्त्रके लाग तामाम बीर हुँक जेल नेलके यातना, भ्वाग पलीन बीर शहीद हुकन जीवनके बलीदान दिह पलिन। तर प्रजातन्त्र आईल क्याकर लाग? जे मोठ मीठ बात अन्त भुलाई सेकना लोभ्याई सेकना भाषण कर स्याकथ। जे धनवान पूजीरती बा वाकर लाक आईल बा प्रजातन्त्र। उह वसंत अन्याय अत्याचार, शोषण दमन, गुण्डागरी, मही बेट बेगारी झन-झन बढी बा। तर हमन ओसिन प्रजातन्त्रके आवश्यकता बा घरवार विहिन बेरोजगारी खाए लगा नै पाके प्याटीक लाग छटपटैना, लुगा नै पाके पुष-मावके ठण्डीम छटपटैना, औषधी उपार नै पाके रोगके किराके शिकार बना, शिक्षा रूपी दियाके प्रकाश नै पाके जहोर तहोर भहरैना, असुरक्षाके कारणसे दानव रूपी मनैनके शिकार बना ज्ञानतनके लाग गौस बास कपास स्वास्थ्य, शिक्षा व सुरक्षाके ग्यारेन्टी दिह सेकना प्रजातन्त्रके आवश्यकता बा। यीह प्रजातन्त्र प्राप्त करक लाग लौव समाजके सृजनाके लाग आपन हक व अधिकारके लाग संघर्ष कनी जरूरी बा।

राउवेद पैधार

बेबुरी बिनाएक झमकि उराब बिना बूकी तुमारों पास धनपति धन सुगाकै ठोर हृदपैस मोती देउ बहु भगवती सरण लेबुं तुहार नाउँ देखि धर्म देवी बन्धन बा ॥१॥ राजक बेटी भए सम समरोटी सिकरी तुर जैस मै जल हाथी बाघ छेक जैस कोपिला गाई दुधि बाधी छेक कोपिला गाई राउवेद द्रुपति लैआउँ जैरी नाउ धनजिउ हो ॥२॥ देश २ राजा बोलाओ चौध जोजन भूईयाँरे सोचाओ सोची साँची भूईया करै एक ठाउँ जेहिम गराउ राजा उत्तिम खाँर राउवेदी द्रुपति लै आउँ जैरी नाउँ धनजिउ हो ॥३॥ देश २ राजा होरिला बोलाओ चौध जोजन भूईयाँ छोलाओ छोलछाल भूईया चापर हो जेहिम गराओ राजा उत्तिम खाँर राउवेद द्रुपति लै आउ जैरी नाउ धनजिउ हो ॥४॥ देश २ राजा गोबरा बोलाओ चौध जोजन भूईयाँ निपाओ विपिनापी भूईया सुचारहा जेहिम गराओ राजा उत्तिम खाँर राउवेद द्रुपति लै आउ जैरी नाउ धनजिउ हो ॥५॥ जेहिम गराउ राजा उत्तिम खाँर उपर बाँध धन्ना निशान, जे राउ मारी भैया पहिला बाण जेही सम्पु कन्यादान राउवेद द्रुपति लै आउ जैरी नाउ धनजिउ ॥६॥ राउरूपी राजा पंचानी रानी द्रुपति देखन चली जाय सरगक उपर डोगनिसान जलम भर मै कन्यादान राउवेदी द्रुपति लै आन सरगक उपर डोगनिसान जैरी नाउ धनजिउ हो । जलम भरमै कन्यादान भरल कलस मोर हिया निसमा मै बरु रबुं कन्यादान । एकतारकी एकतार रहो भैया राउ रक तार जसफल घुम कुमारकै चाख उईस घुम राउ हमार राउवेदी द्रुपति लै आन जैरी नाउँ धनजिउ हो । राईरूपी राज पंचानी चौदो सै दूत कैल हकार जेराउ मारी भैया पहिला बाण जेही सम्पु कन्यादान राउवेदी द्रुपति लै आन जैरी नाउँ धनजिउ हो । बारकोश राजउरौरूपा चौदकोश फौजमेरा व जेराउमारी भैया पहिला बाण जेहिम सम्पु कन्यादान राउवेदी द्रुपति लै आन जैरी नाउँ धनजिउ हो । तोरे रौनागीर उठो मनसाई चरनाक,स कछाउ वरवेरा हम जाई देख राउ शरीर कैसिन बाटी राउ शरीर राउवेद द्रुपति लै आन जैरी नाउँ धनजिउ हो । एकसय भाव एक बरुवेर हम जाई देख राउ शरीर मारु राउ देउँ गिरा रानी द्रुपति व्याह घर आन राऊ वेद द्रुपति लैआन जैरी नाउँ धनजिउ हो । झुकल

बाण बैल श्री अकाश झुकल मेटकी फुट गई राशा हाँर गए दीना गीरराज हाथकी बाण सिलीमिली फिटकार राउदेव द्रुपति लै आन जैरी नाउँ धनजिउ हो । बोली हो- हाई वो वारकवी धल कौरी जैसा । छोरतनु हीतस राउ चिरीया झुका देनु मोर हाथ जसने रानी द्रुपति क भाग नै तोरे गंगेवा उठो मनसाई चरना कास कढाउ बरु वेर हम जाई देख राउ शरीर कैसिन बाटी राउ शरीर राउ वेद द्रुपति लै आन जैरी नाउँ धनजिउ हो । एक सय आजो एक बरु वेर हम जाई देख राउ शरीर मारु राउ दिउ गिरा रानी द्रुपति व्याह घर आन राउ वेद द्रुपति लै आन जैरी नाउँ धनजिउ हो । झुकल बाण बैल श्री अकाश झुकल मेटकी फुट गिराराम, हाथी गए गंगेवाराज हाथकी बाण सिलिभिनी फिटकार राउवेद द्रुपति लै आन जैरी नाउँ धनजिउ हो । तेरा कारी कारी हेर भैया सरफा वाईस हेर दुखिस्तल राज तातल दुध भैया पियो सराई तातल दूध पियो ओठ जी जाई राउवेद द्रुपति लै आन जैरी नाउ धनजिउ हो । खकटा तुरी वरवो साखी कधुन तुी कर जल्यो बाभुन रूप धई अर्जुन नामै तोही बाँचु करण विर राज राउ वेद द्रुपति लै आन जैरी नाउ धनजिउ हो । हाथ बैशाखी काँध मल्यो वभुन रूप धई अर्जुन जा मै तोही बाँचु करणीर राज गुनबाण मोही दक्षिणा दे राउ वेदी मोही दे गुनबाण मोही दक्षिणा देउ धनदरी मापी लेउ गुनबाण मोही दक्षिणा देबु भूई पिरबिया मागी लेबुं । गुनबाण मोही दक्षिणा देबुं धनदरी मापी लेबुं राउवेद द्रुपति लै आन जैरी नाउ धनजिउ हो । गुनबाण तोही दक्षिणा देबुं राउ वेदी तै मोही ने गुनबाण मै दक्षिणा देबुं राउ वेदी मै बाभुन छत बभुनी हमार तै कैस मापीस वभुनी हमार उह कुरु खेत करउँ वरी मार रक्ता रून बर्छि देउ राउ वेद द्रुपति लै आन जैरी नाउँ धनजिउ हो । सोनकै मरुला लिङ हाथोरमा पानी भर अर्जुन ची जा आग नाम वामुदेव मामा जाए मामा मोही माथ बुद्धि देउ । मैनी कोटारी बहिनी तोर तै मामा मै भन तोर शीखा होखुं मै ए मामा मोही माथ बुद्धि देउ मैरी कोटारी बहिनी मार मै मामा तु मैन मोर मोर शिखा होख तुहार मैन मोर माथ बुद्धि लागो । पानीक छाँ चीताउरेकी चीताउ वीर की वेधल शरीर वेधल वेधल भिउवाँ डेरिया वेधलक राउ वेधल शरीर । बेधन बेधन द्रुपति सुन परेल बँठ उह रथ मान बाँह पकरी भेउवाँ छान धसीआई आप द्रुपति होईलो हमार राउवेद द्रुपति लै आन जैरी नाउँ धनजिउ हो ।

वडकिमार, संरौती पैधार

पूर्व सुमिरो मुरुज भरार पश्चिम सुमिरो स्वधुन देवी खडतार, उत्तर सुमिरो हरि कबिलास लड्डा पवन सुमिरो हनुमान, भगवती सरण लेबुं तुहार नाउं देखि धर्म देवी बन्धनवा ॥१॥ सरस्वती सुमिरो ज्यूका ज्योति सुनी माता एक बिनी हमार पाण्डो कथ कहाँ लें जाउं जहाँ सुनाउ जहाँ बासुकी नाग भगवती सरण लेबुं तुहार नाउं देखि धर्म देवी बन्धनवा ॥२॥ सरास्वती सुमिरो गुरु प्रघट छो माता पिता सुमिरो आब तुहार बरह धर्म पाप छई भगवती सरण लेबुं तुहार नाउं देखि धर्म देवी बन्धनवा ॥३॥ सरास्वती सुमिरो पवनक कोठी अरप दरप सुमिरो गजमोती पाण्डो कथ रे कहाँ लें जाउं जहाँ सुनाउं जहाँ बासुकी नाग भगवती सरण लेबुं तुहार नाउं देखि धर्म देवी बन्धनवा ॥४॥ सोनकरौ नी पितरकै कै ताँी रौी बजाओ उनमुन भाँती अपकी रौती अन्त हो पराउ नाउं जिनी हुई हमार, भगवती सरण लेबुं तुहार नाउं देखि धर्म देवी बन्धनवा ॥५॥ सरास्वती सुमिरो देवीक लेखा नकूर सुमिरो तिलकू डार छाता लड्डा पवन सुमिरो हनुमान लड्डा पवन सुमिरो हनुमान भगवती सरण लेबुं तुहार नाउं देखि धर्म देवी बन्धनवा ॥६॥ सरास्वती सुमिरो रक्तुल माजर सातूल पातूल सात बहिनसे धर्म राज पूजा पनथु जलती हरी कुसूमा ले भगवती सरण लेबुं तुहार नाउं देखि धर्म देवी बन्धनवा ॥७॥ सरास्वती सुमिरो गुहया संग साथी सवालाख सुमिरो चौरासी कोईलर सुमिरो घनअमराई सवालाख गुहयक खेल खेला भगवती सरण लेबुं तुहार नाउं देखि धर्म देवी बन्धनवा ॥८॥ जाक गोरखनाथ सुमिरो खतर पालवन सुमिरो गंडा अखवार खेत सुमिरो बुढी देव डगर बेटे हरिपूजा ले भगवती सरण लेबुं तुमार नाउं देखि धर्म देवी बन्धनवा ॥९॥ पाँच पण्डावा देव सुमिरो मई तोही हमरी गैरी गर रक्षा करी रक्षी पाल गरक्षाकरो रक्षा पाल भूत बयाल जापन जी देव भगवती सरण लेबुं तुहार नाउं देखि धर्म देवी बन्धनवा ॥१०॥

यी "गोचाली" प्रकाशनके लाग सहयोगीनके नामावली :

क्रम संख्या :	नाम	ठेगाना	रुपया
१-	श्री छल्लु प्रसाद चौधरी	बाँके, छटकपुरवा	५००-
२-	" भैलो (पुरुष)	वा. नं. ८, ९ धधवार, बर्दिया	३००-
३-	" भैली (महिला)	" " "	२७१५०
४-	" खीम बहादुर चौधरी	वा. नं. ९ डफैया, बर्दिया	२००-
५-	" बुध राम	" धोबिया "	२००-
६-	" धर्म प्रकाश	" जोधीपुर "	१००-
७-	" दीवाकर	" सेमरहवा "	१००-
८-	" शिव लाल	" वैदी "	१००-
९-	" चतुर्भुज	" जोँसीपुर "	१००-
१०-	" दुर्गा प्रसाद	" " "	१००-
११-	" चमारी	" " "	५०-



थारु भाषा-साहित्य सुधार समिति-२०२८

पश्चिमाञ्चल, नेपाल

सम्मान-पत्र

मोफसलमा रहेर पनि सरकारी बाधा अड्चनलाई पार गर्दै थारु भाषा साहित्य सुधार समिति, पश्चिमाञ्चल, नेपालको स्थापना गरी विगत दुई दशक भन्दा बढि समय देखि आफ्नै भाषा र जातिको सुधार तथा रक्षा गर्दै वर्गीय चेतना हुर्काउने प्रगतिवादी चिन्तनको विकास गर्न "गोचाली" पत्रिका प्रकाशन गर्ने [तपाईंहरूको महानकार्य अति उज्ज्वल र सराहनीय रहेको छ ।

अनेकौं बाधाहरु संग जुद्धै यथासम्भव उपायहरू बाट जातीय स्वाभिमान र वर्गीय चेतना हुर्काउन तपाईंहरूले पूरा गर्दै आइरहनु भएको दायित्वपूर्ण र ओजिलो कार्यलाई आदर गर्दै सम्माननीय कवि युद्ध प्रसाद मिश्रको सम्झनामा जनस्तरमा स्थापित "युद्ध प्रसाद" मिश्र स्मृति पुरस्कार २०४९ ले सम्मान गर्दछौं ।

मिति :- २०५० फागुन ६ गते
काठमाण्डौ, नेपाल

प्रमुख अतिथि
रमेश विकल

संगोजक
त्रिरत्न शाक्य
युद्ध प्रसाद मिश्र पुरस्कार तथा प्रकाशन गुठी